

۵۷ / **جمال قلاووزیچ**

آلمان، مشاهیر مؤلفین عسکریت

الدروس حجتی کلاووز

قواعد استیسیه

مترجمی

پناه ملارملریدن

احمد رفیق

طابع و ناشری:



مجلس معارف عسکریتک تدقیق و معارف نظارت جلیلہ مک ر-صدیلہ

قسطنضیه

T.059

کتابخانه اسلام و عسکری — ابراهیم حلمی

۶۲ — باب عالی جاده سی — ۶۳

۱۴

جنرال قلاوڑویچ

آلمان مشاہیر مؤلفین عسکریت سندن

۱۵۲
۹
۱۵۲

اَلْاَبْرَحْمٰتِیُّنَ

قَوْلِ الْاَبْرَحْمٰتِیُّنَ



مترجمی

پیادہ ملازم لندن

احمد رفیق

طابع و ناشری:



مجلس معارف عسکریتک تدقیق و معارف نظارت حلالہ - ملک رخصتہ

قسطنظیہ

کتابخانہ اسلام و عسکری - ابراہیم حامی

۶۲ - باب عالی حادہ سی ۶۴

۱۳۱۶

۱۳۱۳

کتابخانه اسلام و عسکری

— ❦ —

تجارتزاده ابراهیم حلی

لج

مقدمه

فلاووزويچك ۱۸۱۲ سنهسى بدايتنده طلبهسى بولان پروسيا خاندان قرايسى پرئسنه مخصوص اوله رق مخطره مقامنده يازمش اولدينى شواثر ، مشاراليهك حربيه دائر يازدينى آثار جسميه فلسفيهك بر خلاصه ذى كاليدر .

كارل فون فلاووزويچ ، اون سكرنجي مصر كاك بنام مؤلفين هسكريه سندن اولوب قدرت قليه ونظريات هسكريه جهنيله فوق العاده ابراز لياقت ايلشدر . مشاراليه ۱۷۸۰ تاريخنده « بورغ » ده تولد و ۱۸۳۱ تاريخنده « بره سلاو » ده وفات ايلشدر . ۱۷۹۲ دن ۱۸۲۱ . قدر پروسيا و ۱۸۱۲ دن ۱۸۱۴ تاريخنده قدر روسيه خدمت هسكريه سنده بولنه رق ۱۸۱۵ تاريخنده تكرار پروسيا خدمت هسكريه سنده دخول ايله مكتب حربيه مديريتني درصده ايلشدر .

فلاووزويچ ، عصرينك مشاهير نظريونندن ايدى . مشاراليه حربيه دائر بر خيلي آثار جسميه وجوده كتيرمش ايسه ده بونلر مياننده اك زياده حائز شهرت اولاتى « حربيه دائر » يازمش اولدينى اردر . بو قوجه نظري ، علم الروح ايله روح حربى كافه نظرياتنك بر اس غير مبتدلى اتخاذايده رك مؤلفات دقيقه بينانه سيله حرب آشنايان ازمنه يي مفتون اقتدارى ايتمش ، فون درغولتس كې زمانمز مشاهير مؤلفين هسكريه سندن بر ذاتى : « فلاووزويچدن صوكره حربيه دائر يازى ياران بر عسكرى محررى ، كوته دن صوكره قاوست وشكسپيردن صوكره هاملت نحريرينه يلتنن بر شاهره بكنزه مك مخطره سندن قوريله ماز . » قول شاهراهنه سيله افهام حسياته مجبور ايلشدر .

مقدمه

مشار اليك اداره حربہ دائر يازمش اولديني شو اثرى
 تحشيه ايدن روسيه جنراللرندن دراغوميروف ، يازديني بر
 مقدمه ده كرك قلاوزويچ وكرسه مذكور اثر حقنده ديور، كه:
 « بو خطرہ ، قلاوزويچ اصولك روحنى احتوا ايدييور .
 بونكله برابر بوصاحب دهاتك روح حربہ غايت عميق بر صورتده
 نه درجه به قدر انفاذ نظر اينديكى ، و حربك هيچ بر زمان اثر
 ذكاوت اوليوب بر اثر مهارت اولديغنه كس وقوف ايده رك
 موفقيتك تصوردن زياده اجراآت ايله اكنساب ايديله جكنه
 نه درجه قناعت حاصل ايلديكى ، والحاصل نتيجه قطيه زماننده
 هر شيك دشمنى تيه لمكده تقرر ايده جكنى و بناء عليه هر شيدن
 اول و هر شيته ترجيحاً بوني تحرى ايتك لازمكه جكنى ، بوكا
 موفق اولتى ايچون ده اك بسيط اولان طريقك اك مكمل بر
 طريق اوله جنى غايت واضح بر صورتده كوسترييور .
 شبهه سز براز اختيار زحمت ايديليرسه سائر مشاهير عسكريه ده ده
 قلاوزويچك افكارينه مشابه فكرلر بولنه بيلير ؛ فقط انلره
 قلاوزويچده اولديني كې يكدن و صورت منتظمه ده تصادف
 ايديله نر . اكثريا انلرى بر سوري مواد تاليه مياننده آرايوب
 بولمق ايجاب ايدر . مثلاً زوميني بر مقدمه ده فك دائما فن
 اوله رق قالدني و فقط نتيجه حاليه موفقيتك عموميتله چاريشمق
 آرزوي صميميسنه مستند بولنديني بيان ايدييور . فقط بوني
 صره سي كلمش ايكن بركره ذكر ايتدكدن صوكره ارتق بر دها
 ذكر ايتيور . حالبوكه قلاوزويچ بو وجه ايله حركت اينتز، قاعده
 اصليه اوله رق نظر ملاحظه به الديني شيئي دائما تكرار ،
 وحتى بويابده مواد اساسيه حقنده ايمش كې بيان مطالعات ايدر .
 شبهه سز شان و شرفله ترك حيات ايتك فكر مغرورانه سنى كانه
 نظرياتك سرنامه مباهاتي حد ايدن بر آدمك نظريون مياننده ده
 كندينه مخصوص بر موقع احراز ايتكه حق واردر .»

مقدمه

بمده فلاوزويچك، نظرياتي كندينه مناسب بر موقمه ايصال
ايتديكني ومذكورمخطرهك، بوقوجه المان .ولفنك نقطه نظريني
اكلامه مدار اوله جفني درميان ايتدكنن صوكره :

« فلاوزويچك مخطره سنده مثلا : مشاراليهك قطعي برحاربه
نظامك قائده سي حقتنده كي فكري كي بعض اسكي پارچه لر
موجوددر . فقط بونلر خصوصات حربهك صرف جهت خارجيه
وماديه سني احتوا ايتكدهدر . بوكا مقابل روح حربه دائر اولان
شيرل دائما قطعيدر . » دييور . فقط مشاراليه كتابني نوطلرله
توضيح ايدهرك بو قصصاني ده برطرف ايدويور . ترجمه ايتديكمز
مخطره ده مذكور اترك عيني اولديني جهته ترجمه مزده كي نوطلرك
كافه سي جنرال دراغوميروفكدر .

شوني ده مرض ايتك ايسترم ، كه فلاوزويچ كي برعمرر دقيقه پرورك
اثريني ترجمه ايتك حقيقه اقتدارمك خارجندهدر . فقط ناثل
التفاتي اولفله اقهار ايتديكم بعض ذواتك سائقه نشويقاتي ،
حاجز لريني بو اثری ده ترجمه به جراتياب ايلشدر .

اثنای ترجمه ده ممكن مرتبه اصلندن آيرلامنه غيرت ايدلمش
ايسه ده ترجمه حاجزانهك بيه وارسته خطا اولديني ادعا ايدهمم ؛
چونكه بشریت ايجون درجه تكمله وصول هيج بر وقت ممكن
دكلدر .

احمد رفيع

بشكطاش ۲۵ اغستوس ۱۹۱۵



حربه دأر قواعد عمومیه

۱ — عمومیتله نظریات، نقاط منتجه اوزرنده قوتلر ایله وسائط ماده نك درجه مساواتده بولمسی نه صورتله تأمین ایتمك لازمكله جكنی تدقیق ایله مشغول اولمقده در. فقط بو خصوص دائماً ممكن اوله مدینی جهتله نظریات، خصمك یابه بيلمسی محتمل خطالر، جسورانه بر هجومك حصوله كتیره جکی تأثیر وسائر ایله حتی احتیاج مس ایتدیکی زمان امیدسزلك کبی خصوصان مغنویه پی ده داخل حساب ایتمکی اوکره نمکده در.

ایشته بونلرك هیچ بری كرك حربك و كركسه نظریاتنك دائرة شمولندن خارج دكلدر؛ زیرا نظریات، تصادفی ممكن اولان هر درلو احوالك تدقیق موشكافانه سی محصولندن باشقه برشی دكلدر. بناء علیه فکری اکثریا بونلرله آیلشدرمق وانسیت پیدا ایتدرك ایچون اك تهلكلی حالله وقف ذهن ایتمك لازمكله جکی اشكاردر. ایشته، عقله مستند قهرمانانه قرارلر ویرمه بو صورتله آلبشیلیر.

شو خصوصاتی باشقه درلو کوستره بيله جک بر (به دان) بولنسه بيله ، بونک افکارینی دیکله مک ايله پک چوق شی غائب ایدیلیر. بر کون حس ایده جکسکز، که حیاتک صوک زمانلرنده، محاربه نك هیجان وقاریشیقلی ائناسنده معاونته اك زیاده محتاج بولندیغکز و رقلرك قوری کورلتیلری سزی مشکلات ایچنده بر اقدینی زمان یالکز بو فکر سزه یاردم ایده جکدر .

۲ — منافع ماده و معنویه به کووه نیلسه بيله حربده احتمالاتی ده دائما صره سنه کوره نظر دقه المق طبعیدر. فقط بو خصوص دائما ممکن دکلدر. چونکه دها ای برشی بائق ممکن اولدینی زمان هر درلو ، ووقیت احتماله قارشی اکتریا بر حرکت تشبث ایتکه مجبوری حاصل اولور. بویه بر حالده امیدسنزلکه دوشمک ، قوه تمیزیه و قوه محاکمه کبی خواص عالیله بزه اك زیاده لازم اولدینی وهر برشی بزه قارشی بر مقصد مشترکه خدمت ایدیور کبی کوروندیکی بر زمانده بو خواص عالیله نك استعمالدن واز کچمک دیمکدر.

هر درلو احتمالات نفسکزه قارشی بولنسه بيله بو حال، تشبثی غیر قابل اجرا و غیر معقول ملاحظه ایتک ایچون بر سبب دائمی اوله ماز. زیرا بو تشبث ، دها ای برشی پایه مدیغمز و المزدده کی وسائط قلیله دن ممکن مرتبه بر استفاده

عظیمہ استحصال ایدہ مدیکمز اندن اعتباراً معقول صایلیر.
ایشته بالخاصہ بوکبی حالردہ سکون و متاتی، حربده
محافظه سی غیر ممکن اولان و موجود اولدقہ اک بارلاق
خواص فکریہ بی بیله عقیم براقان شواوصاف حاکمہ روحی
خصوصیلہ مشکل زمانلردہ محافظہ ایتلیدر. بونک ایچون
شان و شرفله ترک حیات ایتک فکریله اولدن انسیت پیدا
ایلمک اقتضا ایدر. انسان دائماً بوفکرله یشاملی و بوفکری
ذهننه یرلشدرملیدر. زیرا شوکا امین اولکز، که بدبخت
بولدقہ حتی بختیارانه بر محاربه ده بیله بیوک بر ایش
قطعی بر حکمله یاپیله ماز.

شبه سز بو فکر ایکنجی فره دریقی ایلمک سیلریا
حربلرنده صیق صیق اشغال ایتمشدر. چونکه فره دریقی
یالکز بوفکرله انسیت پیدا ایتش بولندینی جهتله ۱۷۵۷
سنه سی کانون اولک مشهور بشنجی کونی (لویتن -
Leuthen) هجومه قرار ویرمشدر؛ یوقسه (مائل نظام) ی
سایه سنده آوستریالیلری مغلوب ایتک احتمال قویسنه اعتماد
ایتدیکندن دکل.

۳ — هر درلو حالات معینه ده تشبث ایدیله جک
بر چوق حرکات ایله انتخاب اولنسی ممکن بر خیلی تدایر
موجوددر. فقط نتیجه حالده اک جسورانه بر قرار ایله
اک مدبرانه بر قراردن برینی انتخاب ایتکه مجبوریت حاصل

اولور. بر چوق کیمسه لر مدبرانه قرارك نظریاته دها موافق اولدیفنی تصور ایتمکده درلر. بو برخطادر. [*]
 زیرا نظریاتك بر توصیه ده بولنمی لازمکسه بو توصیه طبیعت حرب ایله مطابقتدن باشقه برشی اوله ماز؛ بناء علیه نظریاتك، احوالك غایت جسورانه و غایت قطعی بر صورتده حل و فصلنه قرار ویرمی لازمکیر. فقط هر قوماندانی ده

[*] اصل خطا نظریات تجیلرده در، یوقسه نظریاتده دکادر. بناء علیه محصول فکر اولدیفنی جهته تدبیر و احتیاطه تمایل ایتمك خصوصتك، نظریاتك طبیعتی اقتضاسندن بولن دیفنی نظر ملاحظه یه المامتی غیر ممکندر. حتی بو تمایله بمضکره فلا و زوج بیله بولنیور؛ فقط بوده فی الواقع يك نادر در. (مشار الیهك دها ایلریده، تقریه غایت مساعد اولان نقطه لرك مجموعی ایله کجه حرکاتك تهلکه سی حقنده بیان ایتمدیکی فکره مراجعت) نظر. یا تجیلر یالکز بو مسئله تك حلفی تحری ای دی یورلر: «ممکن مرتبه آز قوت صرف ایده ركه آز تلفات ویره دك هدفه نصل واصل اولمی؟» بناء علیه قوای عظیمه و تلفات کثیره صرفنه بادی اولان هر شیئه قارشی بونلرک بر سؤظنه صاحب اولملری طییعیدر. فقط مذکور مسئله ده، مهارتی داخل حساب ایده ركه ش و صورت افراغ ای دی یور: «قوت صرفنه، تلفات ویرلدیکنه او قدر باقیه رق هدفه نصل واصل اولمی؟» ایشته «محال نظریه سی» بورادن نشأت ای دی یور. فکر؛ طبیعتی اقتضاسندن اوله رق محترزه، متردد بر قوتدر؛ فی الحقیقه بو، غایت واسع معلومات اعطا ایدر ایسه ده اکثریت امرجه اعتباریله بو نشو و غای معنوی، حکم و قرارك زیاننه اوله رق اکتساب ای دی یلر.

اداره حربہ دائر

جسارت شخصیه سی ، فکر تشبث و اعتماد نفسی نسبتہ
برشی انتخاب ایتکده سرست براقیر . بونک ایچون شو
قوای خصوصیه نظراً حرکت ایتلیسکز . فقط جسارتسز
بر کیمسہنک بیوک قوماندان اولہ میہ جغفی ده خاطر دن
چیقار میکنز .



تعمیه یا خود محاربه نظریاتی

حرب، بر طاقم محاربات مختلفه نك تركبندن حاصل اولمشدر. بو تركب، نتیجه اوزرينده قطعی بر تأثیر اجرا ایدر. فقط آیرجه محاربه، فوق العاده و طوغریدن طوغری بر اهمیتی حائزدر؛ چونکه انجق رسیده موفقیت اولمش محاربه لرك تركبی نتایج حسنه حاصل ایده بیلیر. بناءً علیه حربده قاعده اساسیه محاربهده خصمه غلبه ایتك صنعتنه مالک اولمقدردر. افکار و تصور ایتكزی ارتق بو نقطه دن ده ایلری به کتوره مزسکر.

ایشته اساس اولق اوزره ملاحظه ایتدیکم قواعد شونلردر:

۱ — قواعد عمومی

۱ — حال تدافعی به دأر

۱ — حال تدافعیده قطعاتی ممکن اولدینی قدر اوزون مدت مستوراً محافظه ایتملیدر. بالذات هجوم ایدلدیکی وقتدن ماعدا هر زمان هجومه اوغرامق قابل اولدینندن مدافعه به هر دقیقه حاضر اولملی، بناءً علیه قوتلری دائماً ممکن مرتبه مستوراً اله بولندرملیدر.

۲ — قطعاتك هپسنى بردن محاربہ یہ صومالمیدر .
 شاید بو خطا ارتکاب ایدیلیرسه محاربہ ده معقول بر خط
 حرکت طومتق قابل اوله ماز . چونکه محاربہ یه انجق الله
 بولنان قوتلرله یکی بر شکل ویرمك ممکندر .

۳ — جبهه نك امتداديله آز مشغول اولمی و حق
 هیچ مشغول اولماملیدر . بو امتداد ذاتاً اهمیتسزدر ؛
 چونکه محاربہ نظامنك عمقی (یعنی یکدیگری ارقه سنده
 طوران قطعاتك مجموعی) جبهه یه ویریلن امتداد ایله تنقیص
 ایدلمش دیمکدر . بناءً علیه کریده کی قطعه لر الله بولنش
 اولور ؛ بوندن باشقه محاربہ یی نقاط متجاوزیه نقل (تمدید
 جبهه) ایتمکن ایسه ، محاربہ یه کیریشیلن نقاط اوزرنده
 تجدید ایتمکه (احتیاط وظیفه سی کورمکه) ده مدار اولور .
 نوماده اولکی ماده نك بر متممی کیدر .

۴ — دشمن ، جبهه مركز بر قسمنه هجوم ایتدیکی
 حالده عین زمانده جناح لر می آشمغه و بزی احاطه
 ایتمکده جالیشه جفندن کریده طوران قطعه لر منحصرأ
 بو تشبته مانع اولمغه وموانع ارضیه اوزرنده جناح لر مزه
 استاد بولمندیقی تقدیرده بو نقصانی اتمام ایلمکه مجبوردر .
 بو قطعه لر خط داخلنده بولنوبده جبهه یی تمدید ایتمکن
 غیری بر شیشه یارامامقدن ایسه بو وظیفه یی ایفا ایتمکه ده
 زیاده قابلیتیدر . بوماده ده اولکی ماده لك ایضاحی کیدر .

۵ — جبهه کريسنده پک چوق قطعه لر بولنديني زمان بولنرک يالکز بر قسمي جبهه نك کريسي يقيننده بولندرمق ، متباقيسني کرييه و جناح لره يرلشدير مک پک مناسبدر.

قطعه لر بووجه ايله يرلشديريليرسه بزي چويرمکه چاليه جق اولان دشمن قوللرينک ياتي کندي کندينه اله بيليرلر .

۶ — قاعده اساسيه : هيچ بروقت دائمي صورتده مدافعه مطلقه ده قالميوب دشمن هجوم ايتديکي ائنده جبهه سنه ويانلرينه آتيلميليدر. مدافعه ، خطلرک يالکز برنده قوللانيلير . اوده ، بو خطه هجوم ايچون دشمن قوللريني ياييلمغه مجبور ايلمک خصوصنه بناء در؛ ايشته او ائنده ، اوزمانه قدر کريده بولنديريلان قطعات سائر ايله کندي کندينه تعرضه کچيلير . بر ذاتک صورت مکمله ده ايضاح ايتديکي کبي ، فن استحکام سپر ارقه سنده ده زياده محفوظ بولنمق ايچون اوليوب فضله بر موفقيتله دشمنه هجوم ايتمک خصوصنده استعمال اولنمق ايچوندر. بو حال هر درلو مدافعه مطلقه يه قابل تطبيقدر . چونکه مدافعه مطلقه ، قطعاتي اولجه انتخاب اولنان بر اراضي اوزرنده يرلشديروب منافع ذاتيه يه کوره حاضرليه رق تعرضي تسهيل ايتمک واسطه سندن باشقه برشي دکدر؛ هم اولامليدرده .

۷ — هر درلو حال تدافعي يه تعلق بولنان بوتعرض ،

دشمن بڑھ ہجوم و یا بڑھ قارشی یا لکڑ پوروش اجرا
ایتمکے باشلادینی زمان وقوعہ کلہ بیلیر . بوندن باشقہ ،
دشمن ہجومہ حاضرلندینی اٹنادہ قطعاتی کری بہ چکمک
ودشمنی کندیسنہ مجھول براراضی اوزرینہ جلبایتدکن
صوکرہ ہرطرفدن اوزرینہ ہجوم ایتمکدہ قابلدر . ایستہ
عمقاری زیادہ بولان محاربہ نظامری — یعنی اردونک
متباقیسی کریدہ وقدمہ نظامندہ اولہرق ممکن مرتبہ مستوراً
الہ بولندینی حالہ ثلاثنک ویا حود نصفدن زیادہ سنک
جہدہ یایلمش بولنسی — بوکی ترتیبات مختلفہ
غایت موافقدر . ہم بو نظام فوقالعادہ براہیتی حائزدر .
۸ — ایکی فرقہ قوتم اولسہ بونلردن مطلقا برینی
کریدہ براقیرم . اوچ فرقہ اولسہ ہیچ اولمازسہ برینی ،
درت اولسہ احتمالکہ ایکسینی ، بعضاًدہ اوچنی وسائرلرینی
عین وجہ ایلہ احتیاطدہ براقیرم .

۹ — مدافعہ مطلقہدہ قانہجنی اکلایشیلان نقاط
اوزرنده صحرا استحکاماتنہ مراجعت ایلملیدر . بونک
ایچونده یکدیگرندن متفرق ، قبالی و بیوک مقطعدہ ،
استحکامات انشا ایتملیدر . [۰]

[*] بومکر برصورت قطعہدہ بیانایدیلیر . فقط مؤلفدہ
شو حقیقتی تسلیم ایدر ، کہ متین اولقی شرطیلہ آز استھکام پامقی
دہا مرجحدر .

۱۰ — بر محاربه ایچون تصمیم ایدیلن هر پلانده مثلا: دشمنك بیوك بر قولنه هجوم وپوك كاملاً پریشان ایدلسی کبی دائماً عظیم بر مقصده بنای حرکت ایتلیدر . بالعکس، دشمن بیوك بر مقصدی تعقیب ایتدیکی حالده کوچوك بر مقصده اکتفا ایدیلرسه شهسز موفقیت حاصل اولماز . چونکه باقر پارهیه قارشى آلتون ایله اوینانلمش دیمکدر .

۱۱ — حال تدافعی ایچون ترتیب اولتان بر پلانده عظیم بر مقصد اتخاذ ایتدکدن صوکره بو مقصدی فوق-العامه بر شدت، ممکن مرتبه فضله بر قوت صرف ایدرک تعقیب ایتلیدر . دشمنك ده کندینه کوره بر مقصدی اولوب دشمن بو مقصدی علی العموم باشقه بر نقطه ده تعقیب ایدر . بناء علیه بز دشمندن اول مقاومت کوستره مز و مقصد مزى دشمندن ده از بر شدتله تعقیب ایدرسه کندی مقصد مزى انحق نصفاً موقع فعله قویدینمز حالده دشمن مقصد ذاتیسنه تمامیه نائل اولور . بز اولجه کسب ایتدیكمز منافعی ترکه مجبور اولورز، حالبوکه دشمن بو صورتله کسب تفوق و تأمین مظفریت ایدر . (راتیسبون) و (واغرام) محاربه لرینی دقتله مطالعه ایدیکز ؛ بونلر سزه مهم اولمقدن زیاده پك حقیقی کورونه جکدر .

ناپولیون بو ایکی میدان محاربه سنده صاغ جناحیه

دشمنی احاطہ بہ غیرت ایتمشد۔ آرشیذوق شارل دہ عین وجہ ایلہ حرکت ابتدی . فقط ناپولیون فوق العادہ بر ثبات ، خارق العادہ بر شدتہ حرکت ایتمش ، حالبوکہ آرشیذوق شارل متردد بولنقلہ برابر برقاج کرہدہ یاری بولدہ قالمشدر .

ایستہ ناپولیون، مقابل جناحدہ بوسیدن قطعی بر موفقیت قازاندینی حالہ آرشیذوق شارل نیم مظفر اردوسی ایلہ انجق فائدہ سز بر طاقم منافع استحصال ایدہ . بیلمشدر .

۱۲ — ایستہ شو صوک ایکی قاعدہ بی ایکی سوزلہ بیان ایدیورم . بوایکی سوزک ترکیبی، حال حاضر صنعت عسکریہ سندہ کافہ اسباب مظفریت میانندہ برنجی موقعی احراز ایدہ بیلہ جک بر توصیه یہ لزوم کوستریور، کہ اودہ : شدت واصرار ایلہ عظیم و قطعی بر مقصدی تعقیب ایتمکدر .

۱۳ — بویلہ اولماز سہ عدم موفقیت حالندہ تہلکہ

دہا زیادہ اولور ؛ بوپک طوغریدر . فقط تعقیب ایدیلن مقصد خلافتہ اولہرق تزید بصیرت ایتک بر صنعت دکلدر ؛ اولجہدہ سویلہ دیکم کبی طبیعت حرب غیر موافق بر بصیرت کاذبہدر .

فوق العادہ بر مقصد ایچون فوق العادہ بر تہلکہ بی کوزہ آلدیرملیدر . — حربہدہ بر تہلکہ کوزہ آلدیرلاندینی

زمان بصيرت حقيقه ، مقصود و صول ايچون اك زياده
الويريشلى اولان وسايطى انتخاب ايده برك كال دقتله موقع فعله
قويقدن ، عدم تقيد وخفت مزاج سائقه سيله هيچ برشيئي
اهمال ائمه مكدن عبارتدر .

ايسته افراط احتراز ايله عظيم بر مقصدي مترددانه
وياخود نصفاً هيچ بر زمان تعقيب ائمين ناپوليونك بصيرتي
بوندن عبارت ايدي .

.....

تاريحك بسط وتمهيد ايتديكي برقاج موفقيتلى محاربات
تدافعيه يي نظر دفته آيرسه كز كوره جكسكز ، كه بونلر
مياننده انك كوزل محاربدر نالاده ذكر اولنان قواعد
اساسيه بناء توحيه و اداره اولنان محاربه لردير ؛ زيرا بو
قواعد اساسيه هپ تاريخ حربدن مستخرجدر .

دوق فرديناند (ميندن — Minden) ده دشمنك
كنديسنه منتظر بولنديني بر محاربه ميداننده آنسرين
ظهور ايتمش ، (تانهاوزن) ده كي استحكاماتي كريسنده حال
تدافعيده بولنديني حالده محاربه ميداننده حال تعرضي يي
اختيار ايلمشددر .

آوستريالير پروسيا قرالنه كيجه لين (ليغنيتس) ده ،
بركون اول طوتمش اولديني موضعك بسبتون غيري بر
موضعده تصادف ايتمشلردير . فرده دريق ايسه آوستريا
قوللرندن برينه هجوم ايتمش و ديكرلري محاربه ميدانه

دها و اصل اولمادن بو قولى تپلمشدر. (هوهنلیندن) ده جنرال مورونك جبهه سنده بش ، كریسندە و جناح لرندە درت فرقه بولنیوردی . ایشته اوزمان مورو دشمنك ارقه سنی چویرمش و دشمن دها هجومه باشلامدن صاغ جناح قولى اوزرینه آتیللمشدر.

مارشال داوو (راتیسبون) ده مدافعه مطلقه بی اختیار ایتمشیدی . حالبوکه ناپولیون صاغ جناحی ایله بشنجی و التنجی قول اردولره هجوم ایدهرک بونلری کاملاً مغلوب ایللمشدر.

آوستریالیر (اوگرام) ده ، دها طوغریسی ، حال تدافیمه بولنیورلردی . مع مافیه ایکنجی کون ، ایمپراطوره قوتلرینك قسم اعظمی ایله هجوم ایتمشدر . ناپولیون ایسه عادتاً مدافعین کی نظر ملاحظه یه الینه بیلردی . فقط اوده صاغ جناحیله آوستریالیرك صولنه هجوم ایدهرک (طونه) یه مستند و غایت ضعیف بولنان صول جناحی (بو جناح یالکز بر فرقه دن عبارت ایدی) هیچ اندیشه بیله ایتمه مش و بونلرک ارقه سنی چویره رک کافه سنی تپلمشدر . بوندن ماعدا قوتلی احتیاطلر سایه سندە آوستریالیرك صاغ جناحندە کی تفوؤك (روسباخ) ده قازانمش اولدینی مظفریته بر تأثیر اجرا ایتمه مسنه ده مانع اوله رق (آدهر قالا) بی بو احتیاطلر ایله ضبط ایتمشدر.

بالاده مذکور قواعد اساسيه نك كافه سی يالكز ذکر
ايدیلن محاربه لردن مستخرج دکلدر ؛ اولرده مدافعه
مطلقه دائر بر مثال ارائه ایتکده در.

پروسیا اردوسنك ایکنجی فره دریق دورنده کی
فعالیتی بو بیوک قوماندان ایچون برواسطه مطفریت ایدی.
فقط سائر اردولرده بزمکی قدر کسب فعالیت ایتدیکی
زماندن اعتباراً آرتق بز فره دریق اردوسنی نظر دفته
آله میز. بوندن باشقه فره دریق دورنده چویرمه حرکاتی
[*] او قدر عمومی بر صورتده استعمال اولنمیدیندن
محاربه نظامنك عمقلی بولمنك ده پك او قدر لزومی
یوق ایدی.

ب — حال تعرضیه دائر

۱ — دشمن موضعنك بر نقطه سنه، یعنی قطعاتنك
(مثلاً فرقه ویا قول اردو کی) بر قسمنه اك چوق بر
قوتله هجوم ایتکمه غیرت ایتلی، قوتلرینك قسم متباقیسنی
ایسه یا اشغال ایدرک ویا خود نظر دقتی باشقه طرفه جلب
ایدرک حال ترده بولندر ملیدر. ایشه، مساوی ویا فضله
بر قوت ایله نسبتاً فائده لی و بناء علیه موفقیت طالعی موجود
اولان یکانه اصول محاربه بودر. قوت نه قدر ضعیف

[*] چویرمه حرکاتی اکثراً فره دریق ده استعمال ایدودی.

اولورسہ — نقطہ متعجبہ اوزرنده ممکن مرتبہ قوتلی بولنق
خصوصہ مبنی — دشمنی نقاط سائرہ دن اشغال ایچون اوقدر
آز قطعہ استعمال ایتلیدر .

ناقابل انکاردر ، کہ ایکنجی فرہدریق (لویتن —
Leuthen) محاربہ سنی کندی کوچوک اردوسنی بالکزر
بر نقطہ یہ جمع ایدہ رک دشمنہ نظراً غایت طویلی بولنش
اولدینی جہتلہ قازانمشدر . [*]

۲ — دشمنک جناح لرندن برینہ جہہ دن ویایاندن
ہجوم ایدہ رک ویاخود کریدن ہجوم ایتک ایچون کاملاً
آرقہ سنی چویرہ رک ضربہ قطعہ یی بوجناحہ اجرا ایتلیدر .
چونکہ مظفریتہ نتائج عظیمہ استحصال ایتک ، دشمنی
خط رجعتدن چیقارمقلہ اولور .

۳ — حق قوتلر فائق بولنسہ بیلہ ضربہ قطعہ یی اجرا
ایتک ایچون ینہ عمومیتلہ بر نقطہ انتخاب اولنہ رق بونقطہ یہ
فوق العادہ بر قوتلہ ہجوم ایتلیدر . براردوی کاملاً احاطہ
ایتک پک نادر در ؛ زیرا بو خصوص مادہ ومعناً خارق العادہ
بر تفوقہ وابستہ در . فقط جناح لرندن بری اوزرینہ حرکت
ایدہ رک دشمنی خطر رجعتدن چیقارمق ممکندر . ہمہ بحال
عمومیتلہ نتائج عظیمہ حاصل ایدر .


[*] او اثنادہ فرہدریق قوتی ۳۲۰۰۰ ، آوستریا لیلرکی
۸۰۰۰۰۰ ایدی .

۴ — اصل ماده هرشیدن اول تقرر مظفریت (دها طوغریسی فوق العاده بر احتمال مظفریت) یعنی دشمنی میدان محاربه دن چیقار مقدر. محاربه پلانی بومقصده مبنی اولمیدر؛ زیرا قطعی اولمیان بر مظفریت، تعقیب شدنی سایه سنده قطعی برحاله پک قولای ارجاع ایدیلیر.

۵ — دشمن قطعاتی هر طرفدن هجومه اوغرا دیغنی کوره بیلیمک ایچون دشمنک ضربه قطعیه اجرا ایدیلن جاحنه متحداً هجوم ایتملیر. حتی دشمنک هر بر خصوصده مقابله ایتمک ایچون بونقطه اوزرنده ایجه قطعاتی بولندیغنی فرض ایدیلسه بیله، بونلر بویله برحاله جسارتلرینی پک جابق غائب ایدرلر؛ کلیتلی تلفاته دوچار، صوک درجه پریشان اولورلر. خلاصه پک جابق مقاومتسز قاله جقلری امید اولنه بیلیر.

۶ — ایشته دشمنی بوسورتله احاطه ایتمک ایچون جبهه ده دشمنکنندن دها زیاده بر قوت بولندرمیلیر. اگر ب، و، قطعه لری دشمن اردوسنک ح قسمنه متحداً هجوم ایتمک ایسترلر سه بالطبع انلرک یکدیگری یقیننده بولملری ایجاب ایدر. فقط قوتلرک جبهه ده شوسورتله یاییلمسی، الیه کلیتلی احتیاط بولندیرلمسنه مانع اولماق ایچون، پک زیاده اولما ملیر.

یوقسہ ، دشمن چویرمه حرکتہ قارشى جزئى



ف ، ل قطعہ لرینک احتیاطہ بولنسی ایجاب ایدر . بویله
 درین بر محاربہ نظامی ایله هجومی لاینقطع بر نقطہ اوزرنده
 تجدید ایدہ بیله جکمز کی قطعاً تکزک مقابل جناحدہ مغلوب
 اولمسیله در حال مقاومتسز قالمغده مجبور اولمیز . چونکہ
 المزدہ دشمنہ قارشى مقاومت ایدہ بیلیمک ایچون احتیاطہ
 بولندیردیغمز قطعہ لر واردر . ایشتہ فرانسزلر (واغرام)
 محاربہ سندہ بوصورتله حرکت ایتمشلردر . فرانسزلرک
 (طونہ) یه مستند اولان صول جناحلى فوق العادہ
 ضعیف اولدیغندن مکمل صورتہ پریشان ایدلمشدى .
 حق ، (آدہ رقالا) دہ بولان مرکزی پک قوتلى بولندیغى
 جہتلہ محاربہ نک ایلك کونى آستریالیرک اوکنده یاییلمغہ
 مجبور اولدی . فقط بوندن برشى چیقمدی ؛ چونکہ
 نابولیون ، آستریالیرک صولنہ جہہ دن ویاندن هجوم ایتدیکی
 حالہ صاغ جناحدہ اودرجہ بر عمقہ مالک ایدی ، کہ

قوتلی برسواری و سواری طوبیجی قولی ایله (آده رقالا) ده
آوستریالیره قارشی حال تعرضیه کچمکه موفق اوله رق
بونلری کاملاً احاطه ایتدی .

۷ — حال تدافیده اولدینی کبی تعرضیده ده
اوریله حق ضربه لره هدف اولمق اوزره دشمن اردوسنک،
مغلوییتی منافع قطعیه تأمین ایدن قسمی انتخاب ایتلیدر .

۸ — هدفه واصل اوله میوبده بوکا وصول ایچون
الده یالکز برواسطه بولندجه ، حال تدافیده اولدینی کبی ،
هیچ برزمان ایشدن صرف نظر ایتمه ملیدر . اگر مدافعین ده
مدافعه متعیده ده بولنور و بزه نقاط سائرده دن هجوم ایدرسه ،
انجق دشمنه قوت وجسارته تفوق ایده رک مظفریتی
قازانمق ممکندر .

بالعکس دشمن مدافعه مطلقه ده بولنیورسه او حالده
هیچ برشیدن قورقما ملیدر .

۹ — امتدادلی، اوزون حطلردن قطعاً اجتناب
ایتلیدر ؛ بونلر شمیدیکی زمانده هیج برقیمتی حائر اولیان
برطاقم موازی هجوملره سبیت ویرر . اصولاً مختلف
فرقلر، هجوملرینی هربری کندی باشنه فقط بالاده
کوستریلن استقامتلره نظراً ، بونکله برابر یکدیگریله
پسیدای ارتباط ایده رک اجرا ایدرلر . حالبوکه بفرقه
(اوزمان ۸،۰۰۰ : ۱۰،۰۰۰ کشی) هیج برزمان یالکز

برخط اوزرہ تشکل ایتمیوب ایکی، اوج وحقی درت خطدن
متشکل بولنه جغندن بوندن ده اکلاشیلیر، که امتدادلی، اوزون
خطلرک وجوده کلسی اصلاً ممکن دکدر .

۱۰ — فرقه لرله قول اردو لرک هجوملرنده کی ارتباط،
بینلرنده بولنان مسافیه وحقی بعضاً اره لرنده دشمنک
بولنسنه، خلاصه یکدیگریه نظراً طوغری برصورتده
تنظیم اولنملرینه مخالف اوله رق بوجزه تاملری بینلرنده
دائمی برارتباط محافظه ایدمک وجه ایله عین نقطه دن
سوق و اداره ایتمک جالیشمقله ایدمک ایدیه مز . بوصورتله
حرکت، حرکاتک برآنده وقوعه کلسی کبی بیسک درلو
تصادفاتیه مربوط، نتایج عظیمه تولیدینه غیر صالح و بزی شدتلی
برخصمه مصادف بولندرمغه غایت موافق بولنان برخاصه نک
استعمالی ایچون هم فنا، همده مضر برحرکتدر . الک حقیق
اصول، هر قول اردو ویا هر فرقه قوماندانه یورویسک
استقامت اصلیه سنی سویله مک، دشمنی مقصد ایچون
برهدف، برمظفریت اوله رق کوسترمکدر .

اوحالده هر قولک قوماندانی دشمنی نروده بولورسه
بتون قوتیله اوزرینه هجوم ایتمک ایچون امرالیر . فقط تردد
حاصل ایتمه مک ایچون نتیجه ده کی مسئولیتی بوقوماندانک
اوزرینه یوکلتمکدن قطعاً اجتناب ایتلیدر . بوقوماندانلرک
هربری برشدن مسئولدر . اوده قوماندا ایتدیکی قطعه مک

هیچ بر فدا کارلق اوکنده چکینمیه رک بتون قوتلریله حرکاته اشتراك ایتسندندر .

۱۱ — تنسیقاتی مکمل مستقل بر قطعه ، غایت فائق قوتلرک هجومه اپی زمان (برچوق ساعت) مقاومت ایدر ، هیچ بر زمان یکدن پریشان ایدیلهمز . بناءً علیه بوقطعه نك دشمنله وقتسز بر زمانده محاربه یه کیریشدیکی فرض ایدیلیرسه ، اجرا ایتدیکی محاربه حتی اوغورسزبیلله اولسه هیئت عمومیه نقطه نظرندن ینه بسبتون فائده سز اوله ماز . حقیقت ! دشمن ، قوتلرینی یایمغه و بونلری مذکور قطعه یه قارشى آزچوق استعمال ایتمکه مجبور اوله جفندن بو حال دیگرلرینه شرائط محسنه داخلنده هجوم ایتمک فرصتی ویره بیلیر . برقطعه نك بومقصده بناءً نه درلو ترتیب وتنسیق ایدیله جکی ایلریده کوریله جکدر .

مع مافیه قوتلرک اشتراك حرکاتی استحصال ایچون بتون قوتلرک اولدجه استقلالیه مظهر بولنمش اولملری ، فقط هر برینکده دشمنی آرایه رق و ممکن مرتبه هر درلو فداکارلنی اختیار ایدره رک اوزرینه هجوم ایتمی ایجاب ایدر .

۱۲ — حرب تعرضینک عناصر مهمه سندن بری ده باصقیندر . بر باصقین نه قدر ناکهانی اولورسه او درجه طالع موفقیتی حائزدر . مدافعینک ، تداییرینی کیزلیرک وقطعاتی صاقلا بهره رق بزه قارشى حاضرلینی باصقینلر ،

انجق مهاجین طرفنك غير منتظر يورويش-لريله عكس
تأثيره اوغراتيله بيلير .

فقط بوصورتله حرکت ، قسماً امنیت خدماتنك
فوق العاده اصلاح اولمسنندن ، قسماً ده عصر حاضر
سفرلرينك سرعتله اجرا ايدلمسندن طولاني شمديكي زمان
حربلرنده تادراً موفقیتپذیر اولور . طرفین مخاصمیندن
برينك غيرت وتيقظنی دوجار کسالت ايدهرک ديکرينه
آنسزین هجوم ايتمک فرصتی بخش ایدن اوزون اوزون ترك
مخاصمات دورلری زمانمزده آرتق کورولميور . [*]

بوشرطلر داخلنده - دائماً قابل اجرا اولان کيجه
هجوملرندن (هو خکیر خده کی) صرف نظرله - دشمنی باصقینه
اوغراتمق ، انجق بریان یورويشی اجرا ايتمک و یا خود کری
کری چکيله رک [**] آنسزین دشمن اوزرينه تکرار

[*] باصقین بر مکرر نسیدر ؛ اگر یوریشمک سرعتی ايله
دشمنك اوزرينه دوشر و بالکز بستون خبری اولادن دکل فقط
محاربه به بندن دها آخاضر لائمش بولندينی بر زمانده اوزرينه
مجوم ایدرسه م ايشته بوکا باصقین دینیر .

[**] و یا خود حال تعرضیه کچه رک . سواروف دائماً حرکات
تعرضیه سنده کی سرعتله باصقین اجرا ایدردی . اشاغیگی جله ده
بیان اولتان اصول ايشته بودر ؛ فقط بوکا « باشقه بر اصول »
دیگمه نه لزوم وار . هر اوج حالده ده هرشی ، بر سری کبی بکله .
نیلدیکمز بریره ، بکله نیلدیکمز بر زمانده دوشمکه مفر اولیور .

يورومكله قابلدِر . خصمه اوزاق بر مسافه ده بولنديني
زمان قابل تطبيق اوله جق باشقه بر اصول ده ، فوق العاده
برقوت ، نامسبوق بر فعاليت ابراز ايدرك دشمنه تصور
ايتديكي درجه بر سرعتله واصل اولمقدن عبارتدر .

۱۳ — عن اصل باصقين (هو خكبرخ ده كي كي كيجه
باصقيني) غايت كوچوك ر اردودن بعض منافع استحصال
ايتك ايجون اك مكمل بر اصولدر ؛ فقط بو ، اراضيه
واقف بر مهاجين ايجون مدافعدن ده آاز تصادفاته باغليدر .
اراضى ايله دشمنك ترتيباتى نه قدر آزطانيلىرسه ، تصادفات ده
اودرجه زياده اولور . ايسته بوسبیدن ، بو قيل حرکات
هر درلوحالاتده برواسطه نوميدانه كي تلقى ايدمليدر . [*]
۱۴ — بونوع هجوملر غايت ساده ترتيبات آلمى ،
قطعاتى كوندزدن ده زياده مجتمعاً محافظه ايتكى ايجاب ايدر .

۲ — قطعاتك استعمالنه دائر قواعد اساسيه

۱ — اسلحه ناريه نك استعمالى ناقابل اجتناب

بوده دائما بالكرز بر واسطه ايله الده ايديلير . اوده ، سرعت
حركاندر . ذاتاً مارشال ساقس ديمشدر ، كه : « موفقيت حرب
بحافله دره در . »

[*] سواروف همان دائما بو واسطه نوميدانه ي استعمال
ايتمش ، دائماده موفقيت قارائمشدر .

بواندینی جہتلہ (مادامکہ اجتنابی قابلدر ، اوحالده نیچون الدہ بولندیریلور؟) محاربہیہ اسلحہ ناریہ ایلہ باشلامق ایجاب ایدر . [*] پیاده ایلہ طوبجی ، دشمنہ فوق العادہ تلفات ویردرمدکن صوکرہ سواری بی استعمال ایتہملیدر . بوندندہ :

برنجیسی : سوارینک یری پیادہ نک کریسندہ اولدینی ؛
ایکنجیسی : اسباب معقولہ موجود اولمادن سواری بی
محاربہ نک باشلانفجنہ طوغری استعمال ایتہمک لازم
کلدیکی اکلاشیلیر . دشمن ناتمام ترتیبات الدینی زمان ،
یاخود دها ایسی رجعت ایتدیکی ائنادہ سواری بی کمال
جسارتلہ اوزرینہ صالیورمکی قرارلاشدیرملیدر .

۲ — طوبجی آتشی پیادہ آتشدن دها مؤثردر .
سکز ویا آلتی طوپلو بربطریہ ، برطابور جہہ سنک ثلثی قدر
بیله بریر اشغال ایتمز ؛ ہم موجودی دہ برطابور موجودینک
سکزده بری قدر بیله دکدر ؛ معافیہ آتشنک تأثیری
ایکی اوج قات زیاده در . [**] بوکا مقابل طوبجی دہ پیادہ

[*] فقط دشمن محاربہیہ مقابلہ ایتکہ حاضر اولقی شرطیلہ .
زیرا دشمن آنسزین باصلش ایسہ ، اکا کندیسفی طوبلامنہ فرصت
براقی ، بناءً علیہ استعمالی ایجہ بروتہ متوقف بولنان اسلحہ
ناریہ بی استعمال ایتک بیہودہ در .

[**] فرانسرلرک ۱۸۷۰ حربندہ ویردکلی تلامتک یکونہ
نظراً بوسفر ائناسندہ پروسیالیرک سکز طوبنک تأثیر مخربی ،

قدر سريع الحركه دكلدر . شوحال ، هر درلو اراضيده
 پياده كي استعمال ايديله ميه جي جهتله سواري طوبچيسنده
 قابل تطبيقدر . بناءً عليه طوبچي بي دها محاربه نك بداينده
 الكمهم اولان نقاطه طوبلامليدر . [*] چونكه طوبچي ،
 پياده كي محاربه ائناسنده بو كي نقاطه طوبلانهمز .
 ۲۰ : ۳۰ طوبدن عبارت جسم بر بطريه موفقيت
 محاربه بي على العموم محاربه يه كيريشديكي نقطه اوزرنده
 تأمين ايدر .

۳ — يوقاريده بيان اولنان خواص ايله داتا معلوم
 بولنان خواص سائر ، صنوف مختلفه نك استعمالى حقنده
 آتيده كي قواعدى وجوده كتير مشدر :
 اولاً : محاربه يه الله بولنان طوبچينك قسم اعظمى ايله
 باشلامليدر .

پياده طوبچيسى ايله سواري طوبچيسى انجق قطعات

طوبچينك موانع مادييه قارشى احرا ابتدايكي حركات ، وخصوصيله
 تأثير ممنوى داخل اولدينى حالده ، تخميناً ۱۰۰۰ تفنك
 ويره جي تلفاته معادل ايدى . تبديل تسليحات نه درلو اولورسه
 اولسون ، منافع اخيره نك دائماً طوبچييه قالمى مختلدر .

[*] بوفات قطميدر . حقى قلاوزويچ زمانده بيله طوبچينك
 سرفى جسم بطريه لرى اثنای محاربه ده طوبلايه بيله جك قدر
 دكلدى . مثلاً : (فريدلاند) و (واغرام) ده اولدينى كي .

جسیمہ احتیاطدہ بولندیرہ بیلیر . طوبجی ، بر نقطہ اوزرندہ
جسیم وطوبلی بطریہ لر حالندہ استعمال اولنور . ۲۰ : ۳۰
طوب یالکز بر بطریہ ہیئتہ کیرہ رک یا نقطہ اصلیه یی مدافه
ایدر لر و یا خود دشمن موضعنک هجوم ایدیلہ جکی
قرار لاشدیر یلن منطقہ سنی آتہ طوتار لر .

ثانیاً : بالحاصہ ، دہا بدایتہ کلیتلی قطعاتی ایشہ
صوقمامغہ غایت دقت ایدہ رک محاربہ یہ پیادہ یی صوقلیدر ؛
بونک ایچون اولامر دہ اوک طرفدہ نہ وار نہ یوق بونی
آراشد ر مق (چونکہ بو خصوصی اولجہ او کر نمک نادر آممکندر)
ومحاربہ نک نہ حال کسب ایتدیکنی اکلامق ایجاب ایدر .
اکر بو آتش خطی دشمنلہ مساوات حاصل ایدہ جک
درجہ دہ کافی ایسہ ، و یا خود باعث استعجال اولہ جق برشی
موجود دکل ایسہ ، علی العجلہ قوای سائرہ یی دہ محاربہ یہ
صوقق خطادر ؛ زیرا دشمنی بوکبی محاربات ابتدائہ ایلہ
الذن کلدیکی قدر یور مق ایجاب ایدر .

ثالثاً : دشمن ، آتش خطمزہ بولندینی اراضی یی ترک
ایتدر مک ایچون محاربہ یہ دہا سائر قوتلر ادخال ایدر ،
و یا خود ایشی تأخیر ایتہ مک ایچون المزدہ اسباب معقولہ
بولنور ایسہ ، او حالہ ایلری یہ کثیف بر پیادہ خطی
کوندیر رز . بو خط دشمنہ ۱۰۰ : ۲۰۰ خطوہ مسافدن

يا بيله رق، يا آتش و يا خود ايجاب احواله كوره سونكو ايله هجوم ايدر . [*]

رابعاً: پياده نك وظيفه اساسيه سي آيسته بوندن عبارتدر . فقط بونظام، احتياطده برخط دها بولندره بيله جك قدر درين اولورسه احوالده بو نقطه ده كي اجرا آتة كافي درجه حاكم بولنلمش ديمكدر . فقط قطعه لري ممكن اولديني قدر قول نظامنده تشكيل ايتمليدر ، كه بو ايكنجي پياده خطي ده ضربه قطعيه يي اجرايه مقتدر اولسون .

خامساً : سواری، محاربه ائناسنده ، محاربه يه كيريش قطعاً كريسنده و كليتي تلفاته دوچار اوليه جق وجه ايله يعنى طوپ و تفك مرمياتك منزلي خارجنده بولنديي حالده ، ممكن مرتبه مدكور قطعه لرك يقينده طور مليدر . فقط محاربه ائناسنده مساعد فرصت دوشدجه درحال استفاده ايتك ايجون سواري يي دائماً الله بولندر مليدر .

۴ — بوقواعدي آرزوق صادقانه تعقيب ايتلي و آتيده كي قواعد اساسيه يي هيچ برزمان نظر دقتدن آيرمامليدر . بوقاعده ده فوق العاده اصرار ايده جكم كي اهميتني بيانه ده حاجت كوره م :

[*] شيمي بولرك هيسي دكشمشدر . زيرا بومساعده دن انحق سونكو ايله هجوم ايديله بيلير . بوندن باشقه بو ، ناپوليون دورده ده اوله ينه طوغري اوله مننه ، اما فرهدريق دورنده اولورسه اوله بيلير .

« هیچ بر زمان قوتلرک کافہ سیلہ یکدن محاربہ بہ کیریشمہ ملیدر ؛ یوقسہ قوای مذکورہ بی سوق وادارہ ایتک ایچون ہربر واسطہ دن محروم قالنش اولور ؛ نرہ دہ ممکن اولورسہ دشمنی ضعیف قوتلرلہ اورادہ یورملی ، نتیجہ قطعہ ایچون صوک برقوت صاقلاملیدر . فقط بوصوک احتیاطدہ محاربہ بہ کیردکدن صوکرہ بونی صوک درجہ برجسارتلہ استعمال ایتلمیدر .

۵ — کرک بتون سفر وکرکسہ بتون بر حرب ایچون بر نظام حرب ، یعنی محاربہ دن اول ویا محاربہ اثناسندہ قطعاتک نہ صورتلہ تشکل ایدہ جکنی ترتیب ایتلمیدر . نظام حرب ، ترتیبات خصوصہ المق ایچون الدہ وقت بولندینی تقدیردہ ایشہ یارایہ بیلیر . بناء علیہ بودہ بالترجیح حال تدافعی بہ کورہ اولملیدر . بونظام حربک فائدہ سی دە اردونک طرز محاربہ سنہ بر اصول القا ایتمسیدر ، کہ بودہ مادون جزالرلہ قطعات مفرزہ باشندہ بولنان سائر ضابطانک قسم اعظمی تعییجہ معلومات ذاتیہ دن محروم بولندقلری وخصوصیلہ حربہ استعداد فطریلری بولندینی جہتلہ ہم الزم ، ہمده فائدہ لیدر . [*]

[*] دکل یالکز قوماندانلرک ، حتی افرادک بیلہ فعالیت ذہنیہ سنہ هیچ ر نظام بدل اولہ ماز ؛ بوندن باشقہ ، نابولیون حربلرندن صوکرہ کی دورلردہ ، وخصوصیلہ کافہ ترتیبات خصوصہ

بوندن ده بر اصول ميدانه چيقار، که بو اصول ، قنک بولنديني يرده او نقصاني اتمام ايدر. بناء عليه ايجه قناعت کسب ايندم، که بو خصوص ناپوليون اردولرنده فوق العاده بدرجده ایدی. [**]

لزومنه بدل بر کره اولقي اوزره قطعي بر محاربه نظامي قبول ايتمک فکر ستمينه تبعيت ايدلمش اولان اردولرده کورولديکي وجه ايله نظام قطعي، فقدان فکره باعث اولور . فلاوزويچک بوراده بيان اينديکي فکره، شبهه سز ايکنهي فره دريق دورينک بريکي تأثيرينک تيجه سيدر. حالوکه بوتأثير، يکنظرده «عجبا نروده طور ملي؟» دکل «عجبا فصل حرکت ايتلي؟» سؤالنک موضوع بحث اولديني محاربه لک طبيعتيله طبان طبانه ضددر . بناء عليه بو سؤاله ، اي تنظيم ايدلمش قطعي بر نظام ايله جواب ويرمک ممکن دکلدر. ايستر تجربه ديده اولسون ايستراولسون، ايستر قابليتلي بولسون ايستر بولمسون، قوماندانلر انشاي محاربه ده داغما سريماً حل ايدلمکي ايجاب ايده رک کندی کنديلر بنه اي کوتو حله مجبور اولدقلري بو مدهش مسئله قارشيسنده بولنه جقلدر.

[**] فرانسز اردوسنده نظام خصيصنده دکل، فقط حرکت خصوصنده بر اصول وار ایدی، که اوده شو ايکي کله ايله افاده اولنه بيلير: محاربه ده اتحاد ، صوک درجه بر هجوم. بو اصول ، مع مافيه قطعي محاربه نظامي استثنا ايدلديکي تقديرده فلاوزويچک شو محظروده غايت هميق بر صورتده ايضاح اينديکي هر شیده منجلی اولور . بونده درين نظامه ، هجومه بر کره باشلانقدن صوکره صوک نفری استعمال ايدنجيه قدر معنده بر مبارزه يه، والحاصل اولجه بر وظيفه معينه وخصوصيه يه درعهده اتمامش

۶ — یوقاریده صنوف مختلفه نك استعمالاته دائر
سویلدیکم شیرہ نظرآ برلوا ایچون محاربه نظامی همان همان
آتیده کی وجه ایله اولمیدر :

محاربه به بریاده خطی ایله باشلاملی، و بوخط کسیک
اراضیده نوعاً پیشدار و طیفه سنی کورملیدر ؛ طوبجی
ایکنجی خطده، نقاط مهمه اوزرنده یاییلمغه مهیا بولنمایدر.
(بو صنف موضعه بولندجی دایماً برنجی پیاده خطنك)

اولان قطعاتك طوبله هجومنده تصادف ایدیلیر . فرانسر ،
« آرقول » ده اولدینی کبی یول قول نظامنده هجوم ایتمکده
ویاحود تلمات کثیره بی متعاقب کیدیلرینه تخصیص ایدیلن موضع
مطفه سنی محافظه ایتمک ایچون واسطه یکانه حالی بولدینی زمان
« آسپرن » ده خاصه غره ندیه لرینک یابدقیری کبی برصره اوزره
یاییلمقه اصلاً تردد ایتمیورلردی . اگر الیرک قوماندانلری قطعی
بر محاربه نظامنك تأثیر تحکمی التنده بولغش اولسه لیدی ،
شو یاییلان حرکتلرک هیچ بری عقلرینه کلزدی . احتمالک
« آرقول » ده ده یول قول نظامندن عیری بر نظامده هجوم ایتمک
عیر ممکن اولدینی بیان ایدیلیرک اعتراض اولنور . بو پک
طوغریدر ؛ فقط بابولیونك محاربه ایتمک ایچون ظاهراً جزئی
ماسبقتلر بر موقع انتهاب بیکده کاملاً - - - بولدینی ده
یاکلش برشی دکلدر . شاید کرک کدی . کرکه دولری قطعی
بر محاربه طریقه تحت تأثیرنده بولغش اولسه لیدی ، عجباً
ناپواون سو حرکت ایندیکی کبی حرکت ایده بیلیری ایدی ؟
انسانک ، دوشونمکدن کندیسنی معاف طوته رق فعالیت ذهنیه به
بدل ممارسه ایله حاصل اولش بر عملیات وجوده کثیر هرشی

کریسنده بولنور .) اندن صوکره یاییلمغه و آتش ایتمکه
 تمین اولنان پیاده برنجی خطی بولنمیدر . بونکده بوراده کی
 قوتی ۴ طاہوردرد ؛ انک کریسنده ایکی سواری آلاپی ،
 دها کزیده ده نتیجه محاربه به تخصیص اولنان احتیاطی
 تشکیل ایدن پیاده ایکنجی خطی ، بونک کریسنده ده
 بوخطک طوبجیسی ایله سواریسی بولنمیدر .

غایت قوتلی بر مفرزه ، عین قواعد اساسیه به ،

قبوله نه درجه ، میا بولندیغنی بالماسبه بر قاج کره نظر ملاحظه به
 الدق . بناء علیه شومشغول اولدیغمز حالده ، قطعی محاربه نظاملری ده
 انسانی بو زحمتدن قورتارمغه ، عطالت فکریه یی تلذیذ ایتمکه
 صوکره درجه بر قابلیت حائزدر . ایشته ، اوکره نیلن نظاملرک نه درجه
 مطلق اولدیغنی اثبات ایدن مکمل ، شایان استفاده بر مثال :
 یا کیلیورسم روسیه ده قطعی نظاملر ۱۸۵۴ سنه سننده الفنا
 ایدلمشدر . پکاعلا ؛ ۱۸۷۷ سنه سننده ، یعنی او تاریخدن یکرمی
 سنه صوکره «پلونه» خط عاصره سنک جبهه غربیه یی اوزرنده ،
 اسکی مقنن نظامه نظراً خط مذکور اوزرینه مسافات متساویه
 ایله تقسیم ایدلمش بطریقه لرله برابر احد موضع ایدن قطعاته
 تصادف ایدیوروز . مع مافیه حلی لار ممکن مسئله غایت بسیط
 بر صورتده ظهوره کلمشدی : کدیک آچق ایچون عثمان پاشانک
 خروجنه انتظار ایدلمشدی ، بناء علیه تکمیل طوبجی یی
 «وید» کوپریسی اوزرینه طوبلامق ایجاب ایدیوردی . ایشته
 بن بو بایده ایدیلن خطانی قوماندانلره دکل ، قطعی محاربه
 نظاملرینه ربایت ایده رک وجوده کتیریلن اعتیادات فکریه به
 اسناد ایدرم .

عین احوالہ کورہ تشکل ایدر . مع مافیہ محاربہ نظامنک یوقاریدہ کی خصوصاتہ تماماً مشابہ ویاخود براز فرقلی بولمنسک پک اوقدر اہمیتی یوقدر . اصل مادہ ، بولنرک یوقاریدہ کی قاعدہ لہر مخالف بولنامسندن عبارتدر [*] مثلاً پیادہ برنجی خطنک سواریسی بر معتاد التان نظامدہ ایکنجی خط سواریسیلہ بر پردہ بولنہ بیلیر . فقط شاید بوموضعدہ ، پک زیادہ کریدہ قالمش بولنورسہ دہا ایلری وندرلک شرطدر .

۷ — براردو ، ہر برینک قوماندانی وارکان حربیہ سی بولنق اوزرہ یکدیگریہ مشابہ بر طاقم قطعات مستقلہ دن مرکبدر . بو قطعہ لہر ، محاربہ یہ دائر قواعد عمومیدہ بیان اولندینی اوزرہ یا یکدیگری یانسدہ ویاخود یکدیگری کریسندہ بولندیریلور . بورادہ علاوہ ایدیہ جک بر ملاحظہ

[*] ایشتہ اساس مادہ ؛ فقط قواعد مذکورہ یہ ظاہراً صوک درجہ مطابق اولسہ بیلہ ینہ قطعی نظام نظر دقتہ آلمیور . عجبا دشمن زردہ بولنورسہ بولنسون ، دشمنہ زردہ تصادف ایدیلسہ ایدلسین ہیج بر قوت صرفندن ، ہیج بر فداکارلقدن چکینمہ رک صوک نفرہ وارنجیہ قدر هجوم ایتمکی ؛ بعضکرہ هجومی ، آتشہ احضار ، بعضکرہ درحال سونکی ایلہ هجوم ایتمکی ، (دشمنی قوتمز حقندہ یا کیلتمی ایچون) برکون درین بر نظام ایرتسی کون خفیف بر نظام المنی بیان ایدن قواعدہ رعایت ایتمکہ مساعد اولہ جی ہانکی اشکال ہندسیہ واردر ؟

وار : اوده سواری جهتدن ضعیف بولنمدینی زمان
بو صنفدن خصوصی بر احتیاط تشکیک ایتمکدر. بو احتیاط
بالطبع کړیده بولنه جفی کبی آئیده کی وظیفه یی ده اجرا
ایتملیدر :

اولا: دشمن محاربه میدانندن چکلدیکی زمان اوزرینه
آتیلمی ورجعتی سترایچون استعمال ایده جکی سواری ایله
چارپیشملیدر. اگر دشمنک بوسواریسی او ائنده مغلوب
ایدیلیرسه ، دشمن پیاده سی قهرمانانه خارقلر اظهار
ایتمکدن سوکره ، نتایج عظیمه امید ایتمک هر زمان ممکندر.
بالطبع کوچوک سواری قطعه لری بو مقصده واصل
اوله مزه ؛

ثانیاً: دشمن حتی مغلوب اوله دن بر حرکت رجعیه
اجرا ایدر و یا خود غائب ایدلش بر محاربه نك ایرتسی
کونی رجعت ایتمکده دوام ایدرسه ، بونی سرعتله تعقیب
ایتملیدر. سواری پیاده دن ده ا سربع اولدینی کبی رجعت
ایدن قطعه لر اوزرینه ده قوه مغنویه یی کسر ایدیچی
بر تاثیر اجرا ایدر. مظفریتدن سوکره حربده اک مهم
شی، تعقیبدر؛

ثالثاً: چوق مسافه طولاشه جفی جهتله سربع حرکت
ایدر بر صنف استعمالنه احتیاج کورلدیکی زمان بیوک
برجویرمه حرکتی اجرا ایتلیدر.

برده بو قطعہ نك عظیم بر استقلالیتہ مظهر بولمسی
ایچون بوکا سواری طوبیجیسی ده الحاق ایتملیدر ؛ زیرا
برجوق مختلف صنفلرک ترکیبی قوۂ عطیمه تشکیل ایدر .

۸ — قطعاتك محاربه نظامی یالکز محاربه یه عائددر ؛
بونظام ، قطعاتك محاربه ائناسنده اله جقلری نظامدر .
فقط یوروش نظاملری اساساً آئیده کی وجه ایله در :

برنجیسی : هر مستقل قطعہ نك (لوا ویا خود فرقه نك)
پیشداری و دمداری اولوب بوقطعه آیرجه بر قول تشکیل
ایدر . بو'خصوص ، یکدیگرینه مشابه ایکی ویا خود اوج
قطعہ نك بر یول اوزرنده یورومه سنه و بوضورتله بر درجه یه
قدر غایت جسم بر قول تشکیل ایتمه نه مانع اوله ماز ؛ [۹]

[۹] بویکی حالرده اولا : قوللرک اوزون اولسندن کمال دقتله
اجتناب ایدرک ؛ ثانیاً : اراضی مساعد ايسه پیاده ایله سواری بی
یولک کنارلرنده یوروتوب قطعاتی غایت بیوک برجهه اوزرنده
حرکت ایتدیره رک ؛ ثالثاً : آئیده کی قاعده معلومه واسطه سیله
کچیدلردن مرور ائناسنده توقعلردن اجتناب ایدرک قوللری
ممکن مرتبه قیصا لئق غایت مسمدر . مثلاً : ۱ نجی ، ۲ نجی ،
۳ نجی اولق اوزره صره نومروس سیله ایلرله یی اوج فرقه دن
مرت بر قولی اله الالم . برنجی فرقه کچیده اصل اولور اولماز
کچیدی کچر ، ایکنجی فرقه ایله اوزمان یولدن چیقهرق موله ایدر .
اوجنجی فرقه یولنه دوام ایدر . برنجی فرقه نك ارقه سننده
اولدینی حالد کچیدی کچر . برنجی فرقه کچیدی کچدکن

ایکنجیسی: بوقطعه لر عمومی محاربہ نظامندہ یکدیگری
تعقیب ایچون ترتیب ایدیان صرہ همچنجه ، والحاصل
یا یکدیگری یاننده ویاخود یکدیگری کریسنده بولنه حق
وجه ایله حرکت ایدر لر ؛

اوچنجیسی: بوقطعه لر کهربری دائماً آتیده کی نظامه رعایت
ایدر : پیاده ، پیشداری (ویاخود دمداری) تشکیل ایدر ؛

صوکره یولدن آریله رق موله ایدر ؛ بوسفر اوچنجی فرقه ،
برنجی فرقه نك اردوگاهنی کچهرک موله ایدر ؛ حالبوکه اوزمان
ایکنجی فرقه ، اوچنجی فرقه نك نهایتی کچر کچمز کچیدی مرور
ایده بیله جک وجه ایله یوله قویولور ، بده ایریلکه دوام ایدر .
اوزمان برنجی فرقه ، ایکنجی فرقه نك کریسنده قول نظامه
کیره جک وجه ایله اردوگاهندن آریلیر ، بده اوچنجی فرقه برنجی
فرقه نك کریسنده قول نظامه کیرمک ایچون عین وجه ایله حرکت
ایدر . تکمیل قول کچیددن کچدکدن صوکره فرقه لر آتیده کی
صره اوزره بولنور: ۲ نجی ، ۱ نجی ، ۳ نجی . طوبخیسيله برابر
برپیاده فرقه سنك یول قول نظامندہ بش کیلومتره برطول استیجاب
ایده جکی قبول ایدیلیرسه ، تکمیل قولک ایریلسنه اصلاخل کلدن
بواصول سایه سنده قطعه لر اوج ساعت استراحت ایدر لر . نظام وانتظامی
ادامه ایتمک ایستین قوماندانک ، قطعه لر کچدیکی تکمیل مدت ائناسنده
بالذات کچیدک مدخلنده بولنسی قاعده دندر . ایشته بونک ایچون
داووت ۱۸۰۶ سنه سنده « آورشنت » محاربہ سنك ایلك
دورلرنده بولنه مامشدر ؛ چونکه قطعاتک کچید حرکتہ نظارت
ایتمک ایچون « زال » کوپرسنده قالشدی .

بوکا سواری ده الحاق اولنور . بعده پیاده ، دها صوکره
 طوبچی ، دها صوکرده سوارینک قسم متباقیسی کلیر . [*]
 بونظام، موازی بر یوروش اجرا ایدلیدیکی زمان
 استعمال اولندیکی کبی دشمنه طوغری تقرب ایدلیدیکی
 زمانده استعمال اولنور . ایشته اوزمان، غایت طبیعی
 برنظام اولمش اولور . برنجی فرضیاته نظراً یایلیمه ائسانده
 یکدیگری یقیننده بولمغه تخصیص ایدیلن قطعه لر بری برینک
 یانده یورومکه مجبور اولور . فقط یایلیمغه باشلانندیکی
 زمان سواری ایله پیاده ایکنجی خطنی صاغه صوله تفریق
 ایچون الده ایچه وقت بولنه بیلیر .

۳ — اراضیدن استفاده ایتک خصوصنه دائر قواعد اساسیه

۱ — اراضینک (طوپراغک شکلنک ، اراضینک
 طبیعت طوغرافیسنک) حرب نقطه بطرنندن ایکی
 فائده سی واردر :

[*] بونظام نه قطعاً اعلا، نه ده طبیعی بر نظامدر ؛ زیرا
 افکار محاربه به نظراً طوبچی بی قوتلرک قسم کلیسنک تشکیل
 ایتدیکی قولک اوکنده یوروتمک ، بونک اوکنده ده پیاده نک جزئی
 بر قسمی بواندرمق اک موقول بر اصولدر . برده ، تعقیب حالنده
 احتمالکه سوارینک تکمیل قولک ایلریسنده یورومسی ایجاب ایدر .

برنجیسی : حرکاته ، تقریبه مانع تشکیل ایدره رك دشمنك
بر نقطه معلومه دن کیر مسنه مانع اولور . ویا خود هیچ
اولمازسه دشمنی دها اغر حرکت ایتمه ، قول نظامنده
قلمغه مجبور ایدر .

ایکنجیسی : قطعاتی نظردن محفوظ بولندرمق وسائطی
احضار ایدر .

بویکی فائده فوق العاده براهمیتی حائزدر ؛ فقط بنجه
ایکنجیسی دها اهمیتیلدر . شبه سزاك زیاده ایکنجیسیندن
استفاده اولنمقدهدر . زیرا غایت دوز بر اراضی هر درلو
حالاتده آز چوق مستور بولنمغه مساعددر .

اوللری بوفائده لردن یالکز برنجیسی بیلدر ، ایکنجیسیندن
هیچ استفاده ایدلمزدی . [*] فقط اردولرك بوكونکی
سرعت فوق العاده سی برنجینك استعمالنی اولدجه تقلیل
ایتمشدر . بناءً علیه اکثرا ایکنجییه مراجعت ایتك
ایجاب ایدر . برنجی حال یالکز تدافعییه ، ایکنجیسی ایسه
هم حال تدافعییه همده تعرضییه موافقدر .

۲ — تقریبه مانع کبی تلقی اولنان براراضیدن ،

[*] عجا بوطوغریمیدر؟ هرکس بیلیر ، که وحشیلرك اصول
حرری بالخاصه بوصوله بنا تأسیس اولنمشدر . قلاوزویج بوراده
تاریخ عسکرینك ناپولیون دورندن اولکی دورینی نظر دفته
المیدر .

یا جناح لره استناد و یا خود جبهه نك واسطه تقویه سی کی
ایکی صورت له استفاده اولنور .

۳ — بر جناحه استناد اولمق اوزره تخصیص اولنان
بر مانع ، مثلاً : بیوک برنهر [۰] ، بر کول ، بر بطاقلق کی
قطعیاً غیر قابل مرور بر مانع اولمیدر . فقط اکثر یا بوکی
موانعه تصادف ایدلدیکی کی جناح لره ایچون بسبتون
امین بر مانع ده فوق العاده نادر در . چونکه بوکونکی کونده
دها چوق موضع تبدیل ایدلدیکندن ، بر موضعه اوزون
مدت قالمدیغدن و بناء علیه دار الحركات اوزرنده مواضع
مختلفه اشغال ایتک ایجاب ایتدیکندن ، بوکی مانع زما نژده
ادوار سابقه کندن ده نادر در .

طوغری سویله مک لازم کیرسه قطعاً غیر قابل مرور
بر مانع یا نلره استناد اوله ماز ، ساده تقویه ایده بیلیر .
بناء علیه قوتلری بومانع کیرسند بولندرمیدر ؛ فقط
اوآندن اعتبار آده بومانع مذکور قوتلرک حرکاتی
اشکال ایدر .

مع مافیه یا نلری بویله بر مانع له تقویه ایتک دائمافائده لیدر ؛
چونکه بو خصوص قطعانک بونقطه اوزرنده کی قوتی
آزالتنه مساعددر .

[۰] برنهر انجق هرایکی ساحله ده حاکم بولندینی زمان
یا نلره جدی بر استناد اوله بیلیر .

فقط يالكز ايكي شيدن اجتناب ايلمك ايجاب ايدر .
 اولاً : الله قوتلى براحتياط بولندرميه حق وجه ايله يالكز
 بر جناحك امنيتنى صوك درجه يه قدر وارد ير مامليدر ؛
 ثانياً : هر ايكي جناحده ده موانع متشابهه ايله محاط
 بولنمامليدر . زيرا بومانلر ، بر امنيت مكمله تشكيل
 ايتمكلرى زماندن اعتباراً محاربهي جناحدرده عديم الامكان
 بر حاله ارجاع ايده مزلر . هم مسئله ده او آندن اعتباراً
 صوك درجه ده مضر بر مدافعه شكلنى پك قولاي اله بيلير .
 چونكه استناد ايتديكمز مانلر جناحلك برندن ، مدافعه
 متعديه يه كچمكلكمزه مانع اولور . بناءً عليه الكمضر بر شكل
 مدافعه ده ، يعنى ايكي جناحى ده كرى يه طوغرى طويل
 بر حال تدافعيده بولنش اولورز .

۴ — بالاده بيان اولنان مطالعات ، درين نظام
 خصوصنده براهين جديده ميدانه قويتمقده در . جناحلمزك
 امنيتى نه قدر آز اولورسه ، كريده بولنديره رق احاطه
 ايتك ايسته ين دشمنى چويره بيله جك قطعه لر واسطه سيله
 بو جناحله استناد وظيفه سى كورمك ده اودرجه لازمدر .

۵ — جبهه سندن مرور ايديله بيلن هر نوع اراضى ،
 هر درلو مواضع ، قوبورلر ، چيتلر ، خندقلر ، هر نوع
 بطاقلق چاپرلر ، ايجه زحمتله مرورى قابل هر درلو صرتلر

یوقاریده بحث اولنان صنفه عائد موانع ارضیه بی تشکیل ایدر .
 بونلری کچمک ممکندر ؛ فقط غیرت و بطائله کچمک
 ممکندر . بناءً علیه بوکی موانع ، کربلرنده اخذ موضع
 ایدن قطعہ لک قوۂ مقاومتی تزیید ایدر . اغاچلری غایت
 صیق و درونی بط-اقلق بولندیفی زمان بونلر میانه
 اورمانلری ده ادخال ایتک مناسبدر . یوکسک اغاچلی
 بر اورمانی کچمک ، بر وادی بی کچمکدن زیاده مشقت
 حاصل ایتز ؛ فقط اورمانلر حقنده یالکز بر شی
 اونوتماق ایجاب ایدر ؛ اوده دشمنی نظردن صاقلامسی
 خصوصیدر . اگر بویله بر اورمانه کیریلیرسه مضرت
 هر ایکی جهت ایچونده مساویدر ؛ فقط جبهه اوکنده
 ویا جناحلرده بولسان اورمانلری اشغال ایتدین بر افاق
 غایت تهلکلی اولدینی کبی پک بیوک بر خطادر . لکن
 مذکور اورمانلری کچمک ایچون جزئی مقدارده یوللر
 بولنورسه ایشک فنا جهتی دوشونیلدیکی حالده بیله شو
 حال شایان قبولدر . مع مافیه حرکت بر مانع اولمق اوزره
 احضار ایدیلن موانع فرعیه نک فوق العاده بر اهمیت
 یوقدر ؛ چونکه بونلری سیلوب سپورمک غایت قولایددر .
 ۶ — شو قواعدک کافه سندن اکلاشیلیر ، که نسبت
 ضعیف قوتلرله اولدجه متین بر مقاومت استحصال ایتک
 وعین زمانده ایجاب حاله کوره دیگر جناحدن بر حرکت

تعرضيه اجرا ايلمك ايجون يالكز بر جناحده بولنان موانع ارضيه دن استفاده ايلمك دها مناسبدر . موانع طبيعيه به استحکامات استعمالتي ده ضم ايتمه نك فائده سي واردر ؛ زيرا دشمن مانعي چكمه موفق اولورسه استحکاماتك آتشلري فائق بر هجومه غايت آني بر قارغشه لغه قارشى ضعيف قطعه لري حمايه ايتمك ايجون ايشه تام زماننده مداخله ايدر .

۷ — جبهه ده ، وساده بر محاربه تدافيعه ايله اكتفا ايديلن كافه نقاط اوزرنده بولنان جزئي بر مانعك فوق العاده بر اهميتي واردر .

اوزرنده اخذ موضع ايديلن بتون صرتلر انجق بو سببه بناء اشغال اولنور . زيرا يوكسك بر موضع آتشك درجه تأثيرينه قارشى اكثر حالاتده غايت آلق بر موضع قدر اجراي نفوذ ايده مز . فقط غايت يوكسك بر موضعه بولنور سهق ، دشمن بزه يناشمق ايجون بو تبه يي كمال مشقتله چيقمعه مجبور اولديغندن بطائله ايلريلر ، قارماقاريشيق كلير ، يانمزه قوتلري توكنمتش اولديني حالده واصل اولور . بديهدر ، كه قوتله شجاعتك مساوي اولمسنه قارشى بويله بر فائده نك بك زياده تأثيري واردر . ايجه نظر ملاحظه به اله جق بر شي وارسه اوده سرعتله اجرا ايديلن بر هجومك تأثير مغنويسيدر .

قوشه رق هجوم ایدن بر نفر بو قوه مغویه سایه سنده ،
 حس تهلکه به قارشی جوشنبوش شجاعت اولور ؛ یرندن
 قیملدانیملر ایسه ، جسارت فکریه لرینی پک قولای غائب
 ایدرلر . ایلریده بولنان پیاده و طوبجی خطنی بر صرت
 اوزرنده بولندرمق دائما فائده لیدر .

میاہ جاریہ صغیره ، ایرمقلر ، چقوریوللر الح ... کبی
 موانع سائرہ نک کافہ سی دشمنک جبهہ سنی یارمغه مدار
 اولور . چونکہ دشمن بو مانعلردن طولای دیکر ساحلده
 طولانلق مجبوریتندہ بولندیغندن بو حال دشمنی براز
 توقیف ایدر . ایشته بونک ایچون الدہ چوق طوبجی
 بولنور و بو نقطه اوزرنده ده براز طوبجی بولندیریلورسه
 بو مانعلری اک مؤثر مرمیات ایله (۴۰۰ : ۶۰۰) دوکک
 ایجاب ایدر . [*]

۸ — بوندن شو قاعدہ عمویہ میدانہ چیقار :
 یقینمزدہ بولنوبده جبهہ مزی تقویه ایدہ جک اولان هر درلو
 موانعی اک مؤثر آتشمز داخلنه المیدر . فقط دقت
 ایدیلہ جک بر نقطہ اساسیه وارسه اوده اولانجه مقاومتی

[*] بو کون بو دقلرک عملیاتجه هیچ بر اهمیت یوقدر .
 اسلحه حاضرہ ایله ۶۰۰ : ۱۰۰۰ متره مسافده بولان برمانہ ،
 پیاده و طوبجی آتشلرینک اک مؤثر منطقه سی داخلندہ در .

يالكز آتشله تحديد ايتيوب قطعاتك ايجه بر قسمي $(\frac{1}{4} : \frac{1}{4})$ سونكو ايله هجومه مهيا اولمق اوزره دائما كرده بولندر. مقدر. اكر قوتجه ضعيف بولنيليورسه آوچيلرله طوبچيلردن مرك بر آتش خطني مانئي دوكه بيله جك بر مسافيه يرلشدرمك، و قطعاتك قسم متباقيسني ممكن مرتبه مستورا ۶۰۰ : ۸۰۰ خطوه كرده صاقلامق ايله اكتفا ايتك ايجاب ايدر.

۹ — جهه اوكنه يقين بولنان مواعدن باشقه درلو بر استفاده ايتك ده، بو مانعلري جهه نك غايت ايلريسنده و طوبچينك اك اعلا منزلي داخلنده (۱۰۰۰ : ۲۰۰۰) براقق، دشمن قوللري مانعك ارقه سندن چيقديني زمان هر طرفدن اوزرينه بردنبره هجوم ايتكدرد. (دوق فرديساد «ميندن» ده بويله بر حركت يامشدر.) بو صورتله، ماعه ارضيه نك مدافعه متعديه به مداري اوليه جني كي اولجه بحث ايتمش اولديغمز بو مدافعه متعديه به جهه ده وقوعه كلش اولور.

۱۰ — شو چكن قواعدك كافه سنده، مواع ارضيه اوزون موضعلر ايچون امتدادلي خطر كي نظر ملاحظيه اليمدر. فقط نقاط منفرد حقه ده علاوه ايديله جك دهها بمس نيلر واردرد:

اولا : منفرد صارپ تپہ لر .

بویله یرلرده هر حالده استحکامات انشا ایتمک اقتضا ایدر؛ زیرا دشمن، مدافینه دائماً آرزوق جسیم برجیه ایلہ تقرب ایدر؛ مدافعین ایسه ارقه سنی الدرمله ایشه نہایت ویرر. چونکہ هیچ بر زمان هر طرفه مقاومت ایدہ جک قدر قوتلی بولنیلہ مز .
ثانیاً : کچیدلر .

بوفادہ دن ، دشمنک داخلندن کچہ رک یالکز بر نقطه یہ تقرب ایتسی قابل اولان کوپرولر ، سدلر ، قیالارہ سندہ کی طار بوغازلر کی هر درلو طار کچیدلر اکلاشیلر .
کچیدلر حقندہ شونی ده بیان ایتمک ایجاب ایدر .
کچیدلر عمومیتله ایکی قسمه آریلیر : یامہاجین ، مثلاً : بیوک برنہر اوزرنده بولنان بر کوپرو کی ، بوکچیدلری هیچ بر زمان چویرمکہ مقتدر اولہ ماز . او حالده مدافعین کچید نقطه سنی اولدقہ مؤثر بر صورتده دوکک ایچون بتون قوتنی استعمالده سر بستدر ؛ ویاخود ، مثلاً : کوچوک برماء جاری اوزرنده بولنان بر کوپرو ایلہ طاغ کچیدلرینک قسم اعظمی کی ، بر چویرمه حرکتہ قارشى قطعی صورتده امین بولنیلہ ماز . ایشته اوزمان کلیتله حرکت ایتمک ایچون قطعاتک ایچہ بر قسمی ($\frac{1}{4}$: $\frac{1}{4}$) بالضروره الہ بولندرمق ایجاب ایدر .

ثالثاً : مواضع، کویله، کوچوک شهرلر الخ ...
 غایت جسور اولمغله برابر فرط خواهشله اجرای
 حرب ایدن قطعات ایله، عددجه غایت دون مرتبه ده
 بولسان اولرده فوق العاده مدافعه اجرا ایدیلر. فقط
 افرادک هر برینه آیری آیری کووه نیله میورسه یالکز
 اولر ایله مانجه لری آوجیلرله، محرلری ایسه طوبخیلرله
 اشغال ایتک شایان ترجیحدر. قطعاتک قسم کلیسنه کنحه
 (۱ : ۲) بو، یناشیق قول نظامنده اولدینی حالده دشمنک
 محومی تقدیرنده اوزرینه آتلمق ایچون کریده و یاخود
 بر موضعه کیزلی اوله رق بولندیریلور.

۱۱ — نقاط منفردنک بو صورتله اشغالی حرکات
 جسمیه ده بعضاً ایلری قره غول کئی استعمال اولنور، که
 بو ایلری قره غوللرده، بر مدافعه قطعیه قدر ایلری
 وارمیه رق اکثر حالاتده دشمنه یالکز مقاومت ایتک
 کفایت ایدر؛ بعضاً ده، اردو ایچون تصمیم ایدیلر ترتیبات
 حسیله بر اهمیت خصوصیه کسب ایدن تقاطده استعمال
 اولنور. بوندن ماعدا تصمیم ایدیلر مدافعه متعدیه اصولی
 تزید ایتکه وقت بولمق ایچون اکثراً معرز بر نقطه
 اوزرنده کمال متانتله ثبات ایتک لازمکیر؛ معرز بر نقطه،
 معنای حقیقیسیله، منفرد بر نقطه دیمکدر.

۱۲ — نقاط منفردیه دائر ایکی ملاحظه ده وار:

برنجیسی، بو نقطه لرك كریسنده، بورالردن چكیله جك اولان مهرزه لری طویلایمغه مهیا قطعهلر بولدرملیدر. ایکنجیسی ده بو واسطه یی ترتیبات تدافیه صره سنده قبول ایدرک اراضینك متاقی نه درجه اولورسه اولسون بوکا هیچ اعتماد ایتمه ملیدر. نالعکس بویله بر نقطه نك مدافعه سی کندیسنه تودیغ اولان کیمسه، حق اک فائده لی حالاتده بیله یالکز مقصده واصل اولمی دوشونملیدر. بونک ایچونده منبع یکانه سنی حب شان ایله فرط حسیاتده بولان بر فکر ثبات وفداکاری اقتضا ایدر.

بویله بر وطیعه الحق بوکی حسیات اصیلانه دن محروم اولیان اسانلره مناسبدر.

۱۳ — کرك ترتیباتی و کرکسه قطعاتك اجرا ایندیکی حرکاتی صاقلامق ایچون اراضیدن استفاده ایتمک، اوزون اوزادی تعریفانه لزوم کوسترم.

مدافعه سی آرزو ایدیلن صرتك (بو کونکی کونه قدر اکثریا واقع اولدینی کبی) اک یوکسك نقطه سنده دکل، بونقطه نك کریسنده اخذ موضع ایدیلیر. اورمانلرك اوکلرنده اخذ موضع ایدیلیوب داخلنده ویا کریسنده اخذ موضع ایدیلیر. بو ترتیباته کوره مدکور اورمانلرك عین زمانده تحت ترصده بولنه بیلملری ده شرطدر. موانع مستوره دن ده ائی استفاده ایتمک ایچون قطعات قول

نظامنده بولنديريلور. افرادى صاقلامق ايچون كويلردن،
 اغاج صره لرندن، جزئى بر اراضى طالفه سندن استفاده
 اولنور. خصمه قارشى يورويش اجرا ايتك ايچون
 بالترجيح اك زياده موانعه (قوپور) نصاف ايديلن اراضى
 انتخاب اولنور. [*]

اهاليسى چوق، مزروع بر مملكتنده مدافعين قطعلا-
 تنك قسم اعطى اراضيدن استفاده ايديه بيلديكي تقديرده،
 هر درلو كشمياتدن قورتيله ميه جق قدر غايت قولاي
 اجراى كشميات ايديله جك هيچ بر محل موجود دكلدر.
 فقط مهاجين، يورويشنى كيزله مك ايچون پك چوق
 زحمت چكر؛ چونكه جاده لرى تعقيه مجبوردر.

آرتق كندى كندينه اكلاشيلير، كه قطعاتى مستور
 بولندرمق ايچون اراضيدن استفاده يه غيرت ايدهر ك تصميم
 ايديلن افكار ومقاصدى نظردقتدن دور طوتامق ايجاب
 ايدر. خصوصيله بعض تجاوزاتى كندينه مساعد بوله رق
 محاربه نظامنى كاملاً بوزمق هيچ مناسب دكلدر.

۱۶ — بورايه قدر اراضيه دائر بيان اولنان
 قواعد طويلانيرسه، اكلاشيلير، كه مدافعين يعنى بر موضمك

[*] مملومدر، كه بوراده كى «قوپور» كلمه سى هر زمانكى
 معنايه دكلدر. قوپورلر حركته مانع اولورلر، يوقسه رويته
 مانع اولمازلر.

انتخابی ایچون، آئیدہ کی مواد الک زیادہ شایان اہمیتدر:
برنجیسی: جناح لردہ (یاخود بالکتر بر جناحہ) استناد
نقطہ لری؛

ایکنجیسی: جہہ دہ ویانلردہ قابل رؤیت واسع بر میدان؛
اوچنجیسی: جہہ یہ قریب موانع ؛
دردنجیسی: قطعاتی مستور بولندرمق ایچون محال محفوظہ؛
بشنجیسی: مغلویت حالندہ تعقیبی تأخیر ایچون موضعک
کریسندہ کی اراضینک کسیک بر طییعتدہ بولنسیدر؛ فقط
بو اراضینک غایت یقینندہ (فریدلانددہ اولدینی کی)
بر یکید بولناملیدر. چونکہ بو، توقفہ، پریشانلقہ
سبیت ویرر.

۱۵ — بو شرائطک کافہ سنکدہ حربہ لزومی
کوریلن ہر بر موضعہ تصادف ایدیلہ جکنی تصور ایتک
دھا طوغریسی عقلا لقدر. اول امردہ کافہ مواضعک
برفائدہ متساویہ مالک بولنسی قابل دکلدر. بو موضعلرک
اک مہمی ایسہ هجومہ اوغرامق طالغہ اک زیادہ مالک
و بوکی فوائدی اک زیادہ حائر بولنان موضعلردر. سائر
لرندہ ایسہ بو فوائد آز جوق بولنہ بیلیر.

۱۶ — مہاجینہ کلنجہ: اراضیدن ایکی نقطہ نظرندن
استفادہ ایدر.

برنجیسی: هجوم نقطه سی اولی اوزره مروری قولای
 بر اراضی بولور؛
 ایکنجیسی: خصمک، قوتی زحمتله کشف ایدیه بیلجهکی
 بر اراضیده حرکت ایدر. [*]

[*] بو قاعده لک برنجیسی، منفرد اوله رق نظر دقته النان
 بر اراضیه نظراً طوغریدر؛ فقط قطعات عسکریه ایله مسئله نیک
 جهت ممنوییه سی داخل حساب ایدیلیرسه طوغری اوله ماز. بو
 عناصرک کافه سی ترکیب ایدیلیرسه بدیهیدر، که هجومه اک زیاده
 مساعد اولان نقطه، اوزرنده بولنان دشمنک دوچار هجوم
 اوله جفی اک آز امید ابتدکی نقطه دره. نظر راصده، بر ترکیب
 کمیویده اولدینی کبی کافه عناصرک مکنوز بولندینی بر هیئت
 عمومیه کبی کورونن بر حادثه حیاتیه نیک تحلیلی یعنی سچلمسی
 برواسطه متینه دره؛ فقط انی کال تمیز ایله استعمال ایتک ایجاب
 ایدر. شبهه سز، که قلاوزویچده یازمش اولدینی قاعده نیک قیمت
 محدودده سنه واقفدر؛ فقط مؤلف فکر نسبیسنی کوسترمکده
 امال ایدره رک جزئی دقتی و یاخود خصوصات تحلیلیه درجه
 کافیه ده اعتیادی اولیان بر قارئی خطایه سوق ایتک نهله که سنده
 بولیور. بوندن باشقه، طوغریسنی سویلک لازمکلیسه، قلا
 وزویچ اراضیدن بحث ایدرکن ارادی بستمون نظر دقتدن دور
 طوتمیور؛ چونکه مشارالیه تقریبی مشکل بر موقع اتهامی توصیه
 ایدره رک افرادک حرکتیه بادی اولان قوه محرکه بی ده نظر دقته
 الیور. مع مافییه افرادک قابلیت طبیعیه سی نظر دقته الوبده کافه
 نتایجی اوج اوجه جویرن قابلیت ممنوییه یی نیحون امال ایتلی؟
 هجوم نقطه سنک اتهامی خصوصنده «مال نظریه سی» دها زیاده
 کسب حقیقت ایتش کورونیور. زیرا معلومدر، که خصمی قوه

۱۷ — اراضینک استعمالنه دائر اولان شوملاحظاته،
مدافعه نقطه نظرندن مهم اولغله برابر نوعاً مدافعه
نظریاتنک نقطه اساسیه سنی تشکیل ایدن بر قاعده ایله
نهایت ویره جکم؛ اوده شودر:

هر شیئی اراضینک متانتندن بکله مه ملیدر .
بناء علیه غایت متین بر اراضی یه ده کوره نه رک مدافعه
مطلقه بی اختیار ایتمه ملیدر.

فی الحقیقه اراضی، مهاجمینک بزی طرد ایده .
میه جکی درجه ده متین اولورسه مهاجمین شبهه سز بزی
چویرمه قرار ویره جکدر، که بو حال هر زمان ممکن
اولدینی کبی اک متین بر موضعی ده فائده سز بر حاله پک
قولای ارجاع ایده بیلیر. هم اوزمان بسبتون باشقه بر طاقم
شرائطه تحتده و باشقه بر اراضیده محاربه ایتمکه مجبور
اولورز. بناء علیه بو حال، ایلك موضعی ترتیباً مزه داخل
ایتمدیکمز زمان ده عین وجه ایله وقوعه کلیر. بالعکس
اراضینک فوق العاده بر متاتی حائر اولدینی فرض ایدیلیر،
و خصم ده مذکور اراضیده ایکن اوزر مزه هجوم ایده بیلیرسه،

ممنویه جهتیه باصمق قدر . و فقیات عظیمیه باعث اوله جق برشی
اولدینی نهخته بو نظریه ده دشمنک کوچ، تهلکلی، غیر ممکن
قیاس ابتدکی شیهه تشبث ایتمکی توصیه ایتمکده در.

او حالده بزه تأمين ايتديكى منافع مدافعه مطلقه نك
محاذيرى هيچ بر زمان تلافى ايدمهز. [۵] بناء عليه كافه
موانع ارضيه انجق قسماً بر مدافعه ايله، آز قوتله نسبة
بيوك بر مقاومت حاصل اتمكه و تعرضدن استفاده ايتك
و وقت قازانمغه مساعد اولمق خصوصنده ايله بر قيمت حقيقيه يني
حائزدره كه بو واسطه ايله نقاط سائره اوزرنده مظفريات
حقيقيه كسب ايتمكه غيرت ايديلير.

۱۵۲
مدرسه
۹



[۵] ماره شال دوويللار: «يا لكز، مدافعه انساني محو ايدر»
ديمكى حادث ايديمش ايدى. شهم سزه كه بوندن مقصدى «مدافعه
مطلقه» دره چو كه مدافعه متعديه بر مدافعه اولمقدن زياده
بر تعرض صايلير.

سوق الجیش

سوق الجیش ، مقصد سفره ویاخود مقصد حربه
واصل اولمق خصوصه : ناء حربك تركب ايتديكي محاربات
منفرده دن عبارتدر .

اگر محاربه ایتک ، غلبه جالمق اصولی بیلنیرسه ،
بیلنه جک آز برشی قالمش دیمکدر . زیرا نتایج حسنه پی
یکدی یکدیله مزج ایتک غایت قولایدر ؛ بوخصوص بالکز
مجبرب [*] بر قوه عقلیه نک یابه جنی بر مسئله اولوب محاربه نک
اداره سی کبی آریجه بر معلوماته توقف ایتمز .

سوق الجیشه وبالخاصه حکومتلر ایله اردولرک تشکله
دائر غایت جزئی قواعد اساسیه ، روحلی نقطه لری ایله
شوراجقده مختصراً خلاصه ایدلمشدر :

۱ — قواعد عمومیه

۱ — اداره حرب باشلیجه اوج مقصدی حاویدر :

[*] یعنی تجربه ایله آچیلش ، دائما احوال حربیه پی دوشونمکله
کسب متانت ایتمش .

برنجیسی: دشمنك قوای مسلحه سینه غلبه ایدرك

خراب ایتك ؛

ایکنجیسی: مبارزه وسائط مادیه سی ايله ساثر مالک

اولدینی منابع مقاومتی ضبط ایتك ؛

اوچنجیسی : افکار عامه یی قازانمقد ر .

۲ — برنجی مقصده موفق اولق ایچون حرکات

اصلیه یی دائما خصمك اردوی اصلیه یی ویاخود دشمن

قوتلرینك اكهم قسمی اوزرینه توجیه ایتلیدر . زیرا

دیگر ایکی مقصدی کمال موفقیتله تعقیب ایتك انجق بوقوتلری

مغلوب ایتدکدن صوکره اولور .

۳ — دشمنك مبارزه وسائط مادیه سی ضبط ایتك

ایچون حرکاتی (پانتختر ، دپولر وجسیم قلمه لر کبی)

بووسائطك مجتمع بولندینی نقطه لر اوزرینه توجیه ایتلیدر .

زیرا دشمنك اردوی اصلیه یی ویاخود بواردونك قسم کلیسی

مذکور محللره کیدن یوللر اوزرنده بولنور .

۴ — اکنه ایت افکار عامه ده ، مظفریات عظیمه قازانمق

ویاخود پانتختر ضبط ایتکله قازانیلیر .

۵ — بو مقاصده وصول ایچون نظر دقته انه حق

اک برنجی واکمکمل قاعده : الده بولنان قوتلری صوکره

درجہ بر قوت صرف ایدنجیہ قدر ایشہ اشتراک
 ایتدر مکدر. تساوی غیرت ؛ مقصدی، تعقیب ایدیلن
 نقطه دن خارجه چیقاریر. بونک ایچون حتی شایان ممنونیت طالع
 موفقیات موجود اولسه بیله نتیجه بی بسبتون قطعی برحاله ارجاع
 ایچون صوک درجه غیرت ابراز ایتمه مک عقلسزلنک صوک
 درجه سی اولمش اولور ؛ زیرا بو غیرت هیچ بر زمان نتایج
 مشثومه یه اقترا ن ایده مز. مملکتک بو یوزدن غایت مشکل
 بر باره تحمل ایتمی لازمکدیکی فرض ایدلسه بیله لایققله تدقیق
 ایدلدیکی حالده بو خصوص بر مضرت وجوده کتیره مز .
 چونکه بوبار ، مملکت اوزرینه تحمیل اولنمزدن اول
 اورته دن قالقار .

شدتلی براستحضارات عسکریه دن نشأت ایدن تأثیر
 معنوی یه فوق العاده بر اهمیت ویرملیدر . بواهمیت ،
 هرکسه موفقیات حقنده بر اعتماد قوی ویرر . بو خصوص
 عمومک فکرینی شوق وغیره کتیرمک ایچون اک اعلا
 بر واسطه در .

۶ — ایکنجی قاعده: وسائط حرکتی ممکن مرتبه

مصادمه قطعیه نک وقوعه کله جکی نقطه اوزرینه
 جمع ایتمک و طالع موفقیاتی نقاط اصلیه اوزرنده تزیید

ایتمک ایچون، نقاط سائر اوزرنده موفقیتسنز لکه دوچار اولوق تهله کسبی کوزده آلدرمقدرد. نقطه اصلیه اوزرنده کسب ایدیلن موفقیت، نقاط سائر اوزرنده وقوعه کل سائر موفقیتسنز لکری ازاله ایدر.

۷— اوجنی قاعده: هیچ زمان غائب ایتمه مکدر [°]
وقت قازانمق خصوصنده نه زمان بر فائده اساسیه مالک بولنلمازسه، اثنای حرکاتده ممکن مرتبه سرعتله حرکت ایتمک ایجاب ایدر. سرعت، دشمنک اتحاد ایدیه جکی بر جوق تداییری دها بدایتده اقنا ایدیه جکی کی افکار عامه بی ده جلب ایدر.

سرعت حرکاته وابسته بولان باصقین، سوق الحیدشه تعصیه ده کندن زیاده مهم بروطیقه ایفا ایدر. باصقین ال مؤثر بر قاعده مظفریتدر. ناپولیون، ایکنجی فرهدریق، کوستاو آدولف، سزار، آنیبال واسکندر [°°]، شان شهرت لرینک بر تونظر فرینی سرعت سایه سنده نشر ایتمش لردر.

۸ — ال نهایت دردنجی بر قاعده واردر، که اوده:
صوک درجه بر شدتله، اکتساب ایدیلن موفقیتدن

[°] حتی اساسلی بروقت کچیرمه یله بدایت حرکاتده دائما تهله لیدر.

[°°] سرعت، سواروفک ال زیاده سودیکی وسائطدن بری ایدی.

استفاده ایتمکدر. مغلوب بردشمنی تعقیب ایتمکدن ثمره مظفریت اقتطاف ایدیلیر .

۹ — بوقاعده لرك برنجیسی دیگر اوچنه اساس خدمتی کورر. هیچ برضرر حاصل اولمادن برنجی قاعده یه امتثال خصوصنده بونلره صادق قالمق ایچون پک عظیم تهلکه لر کوزه آلدیریله بیلیر . زیرا بوقاعده ، کریده دائما یکی یکی قوتلر تشکیل ایتمک وسائطنی احصار ایتدیکی کبی هر درلو عوارضی تعمیر ایتمک ده یکی قوتلر سایه سنده اوله بیلیر .

ایشته عاقلانه نامنه ماصدق ، یکانه بصیرت بوندن عبارتدر ؛ یوقسه ایلری یه هر خطوه بی کمال جیانتله آتمقدن عبارت دکلددر .

۱۰ — حال حاضرده حکومت صغیره محاربات استیلا کارانه اجرا سنه مقتدر دکلددر . فقط وسائط سفریه لری حرب تدافعی ایچون اولدجه یرنده در . حربده دائما یکی یک قطع لر میدان قویق ایچون هیچ برمساعیدن نکول ایتمین ، قابل تصور هیچ برواسطه استحضاریه بی اهل ایله مین ، قوای متحده سنی نقطه اصلیه اوزرنده بولندیران ، و بوتدارکاته ، بیوک بر مقصدی تعقیب خصوصنده برقرار ، بر شدت مزج ایدن بر حکومت ، اعتماد قوی حاصل ایتشمدر ، که حربک اداره سوق الحیشیه سی خصوصنده هر درلو مواد

عظيمه يي اجرا ايتمش ديمكدر . اكر بونلري اجرا ايده رك ميدان محاربه ده بSBتون بدبخت بولنپسه ، عين تدابير ده كرك فداكارلق ، كرك غيرت وكر كسه شدت خصوصنده كنديسنه قارشى ابراز فائقيت ايتين خصمنه بهمه حال غلبه ايدر .

۱۱ — بوقواعد رعایت ایدلدکن صوکره حرکات نه درلو اداره ایدیلیرسه ایدلسین بونک او قدر اهمیتی یوقدر . بوکادائر اک مهم موادی مختصراً ، آجیق بر صورتده بیان ایده جکم .

تعییه ده دائماً دشمنی و خصوصیه دشمن قوتلرینک هجوم اصلی توجیه ایدیلن قسمی احاطه یه جالیشمیلدر . بو صورتله ، قسماً حرکت اجرا ایدلش اولور ؛ چونکه محارب قوتلرک تأثیری موازی اوله رق دکل ، متحد اوله رق دها زیاده بر فعل اجرا ايدر . بوندن باشقه دشمنی خط رجعتی خارجه آتقی یالکز بو صورتله ممکن اوله بیلیر . فقط یوقاریده دشمنه و دشمنک موضعنه دائر سویلدیکمز شیلرک کافه سنی دار الحربه تطبیق ایدرسه ک او زمان دشمنی چویرمکه مأمور اولان متعدد قولر و یا خود اردولر اکثر حالاتده عین محاربه یه اشتراک ایده . میه جک درجه ده بربرندن اوزاق بولنورلر . او زمان آره برلرنده بولنه جق دشمن ، بونلرک هر برینه آیری آیری

مقابلہ ایتھک و ہر برنی طوبی بولنان اردوسیہ مغلوب
ایتھک مقتدر اولور ؛ ایکنجی فرہ دریقک بالخاصہ ۱۷۵۷
و ۱۷۵۸ سفر لرنده بوقیل مثالر پک چوقدر .

معافیہ محاربہ ، بروظیفۂ اساسیہ ، بر مسئلہ قطعیدر .
بناءً علیہ بسبتون قطعی برتفوقہ مالک اولیہ رق طوبی
بر حالہ حرکت ایدن براردو ، احاطہ یور ویشلرندن استحصال
ایتھکی مأمول ایلدیکی منافعت کافہ سنی میدان محاربہ لرنده
صایع ایدر ؛ زیرا خطوط ارتباطیہ اوزرنده اجرا
ایدیلن بر محاربہ ، غایت جزئی بر بطائیلہ اجرای تأثیر
ایدر ؛ حالو کہ میدان محاربہ دہ قازانیلان مظفریت .
پک چابق ثمرۂ نافعہ وجودہ کتیرر .

ایشته بونک ایچون سوق الحیشده ، احاطہ اولنان براردو
حصوصیلہ قوتلر مساوی ویاخود غایت ضعیف بولنسه بیله
ینہ خصمنی احاطہ ایدن اردودن دہا کوزل بروضعیتده
بولنش اولور .

دشمنک حط رجعتنی قطع ایتھک ایچون اک مؤثر
اولانشی ، چویرمه حرکاتی ویاخود سوق الحیش چویرمه
حرکاتیدر ؛ فقط عین مقصدہ تعبیہ چویرمه حرکاتیلہ دہ
موفق اولق نمکندر . سوق الحیش چویرمه حرکاتی ،

يالکز قطعات مفرزه داخل اولمديني حالده نقطه اصليه
اوزرنده (مادی وياخود معنوی) کافی درجه ده بر قوت
قاله جق وجه ايله بر تقوی حائز بولنديني زمان شايان
توصيه در .

نابوليون ، خصم لرينه اکثريا وحتى هر زمان فائق
بولندی ايسه ده ينه سوق الحيش چويرمه حرکاتی سوء
استعمال ائمه مشدر .

ايکنجی فره دريق ۱۷۵۷ سنه سنده بوهيا استیلاسی
انسانسنده بوحرکته برکړه مراجعت ائتمشدر . بوندن
قازانديني نتیجه ده ، آوسترياليلرک کنديسيله انجق (پراغ) ده
محاربه ایده بيلمش اولملريدر . فقط عجباً هيچ بر مظفريت
قطعيه دسترس اولمادن (پراغ) شهرينه قدر بوهيمانک
استیلاسندن نه حاصل اولمشدر ؟ شوه رينک وصولندن مقدم
(پراغ) ده بتون آوستريا اردوسی طرفندن دوچار تعرض
اولق تهلکه سنه اوغرامسی داخل اولمديني حالده ، قرال
(قولین) ده مغلوب اولدقندن صوکره بتون اراضی
ترکه مجبور اولمشدر . اکر تکميل اردوسیله (ساقسونیا) دن
کچمش اولسه ایدی ، بوتهلکه ده دوچار اولمزدی . اوزمان
ایلك محاربه (نه زهر) اوزرنده کائن (بودین - Budin)
موقعنده اجرا ایدیلیر ، هم بو محاربه (پراغ) ده کندن
دها قطعی اولوردی . شبه سبز بوم متحد المرکز مانورده نک سببی ،

بروسیا اردوسنک قیشین (ساقسونیا) ایله (سیلزیاء) ده طاغنیق بولنمیسدر . شوراسی ده شایان ملاحظه در ، که بومثلوقرارلرک اسباب موجبہ سی هجوم نظاملرندہ کی منافعہ مستند ملاحظاتدن دهاضروریدر ؛ زیرا سہولت حرکات ، بوحرکاتک سرعتلہ اجرا ایدلمش بولنمنسہ وابستہ اولدینی کبی بوجسیم ماکنہ نک دلک واحتکاکی اودرجہ عظیمدر ، کہ لزوم قطعی کورلمدکجہ بواحتکاکی تزید ایتہمک ایجاب ایدر .

۱۲ — بوندن ماعدا قوتلری نقطۂ اصلیلہ اوزرندہ جمع ایتمک قاعدہ سی ، سوق الحیش چویرمہ حرکاتنہ تشبث ایتمک خصوصنہ مانع اولدینی کبی اردونک عمومی یاییلمہ سی ده بالطبع بوندن نشأت ایدر . ایشته یاییلمہ نظامنک حد ذاتندہ غایت از برقیقتی حائز اولدینقی سویلمک لکمہ بومادہ مدار اولمشدر . مع مافیہ برحال موجوددر ، کہ او حالہ دشمنک جناحنہ برتائیر سوق الحیشی اجرا ایتمک برمیدان محاربہ سندن دها قطعی نتیجہ لر حاصل ایدہ بیلیر . اودہ دشمن فقیر براراضیدہ کمال زحمتلہ برطاقم مغازہ لر تشکیل ایدر واجرا ایدہ جکی حرکات بہمہ حال بومغازہ لرک محافظہ سنہ وابستہ بولنورسہ اوزمان واقع اولور . بو حالہ دشمن ، اردوی اصلیلسنی خصمنک اردوسنہ قارشى قویمغہ دکل ، اس الحركاتی اوزرندہ ایلری طوغری برحقیقینی تشکیل ایتمک تشبث ایدر . بونک ایچون دہ دائماً ایکی شرط لازمدر :

برنجیسی: تهدید مزدشمنی کلیتی برانهمزاه دوچارایتمک
ایچون دشمن اس الحركاتندن غایت اوزاق بولنمیدر؛
ایکنجیسی: دشمن، اردوی اصلیسنک تعقیب ایتدیکی
اس الحركاتك ضیاعنی ^{۹۰}تلافی ایدمک محله
ضبط ایتهمک ایچون دشمنک ایلری یوروشنه
موانع طبیعی ویا صنعیه سایه سنده ممانعت
ایدجک برحاله بولنمیدر .

۱۳ — عسکر ییه جکه محتاجدر؛ بو خصوص،
اداره حربک شرائط مجبره سندن بولندینی کی خصوصیه
قطعاتی انجق بر درجهیه قدر طویلی بولندرمغه مساعد
وخط الحركات انتخابنه قرار ویرمک ایجاب ایتدیکی زمان
دارالحربک تعیینده مدار اولدینی جهنله حرکات عسکریه
اوزرینه فوق العاده بر تأثیر اجرا ایدر.

۱۴ — قطعاتک ارزاق و ذخیره تدارکی، مملکت
مساعداولدینی تقدیرده، تکالیف حربیه اصولیه مملکتک
ضررینه اوله رق اجرا ایدیلیر.

اردولر حال حاضر اصول حربنه کوره اولکنندن
دها زیاده بر مسافه اشغال ایتمکده در. متفرق قطعات
مستقله تشکیلی [*] اسکی اصول اوزره یالکز بر نقطه ده

[*] کړك فره دریق دوری وکرکه اندن اولکی دورلک
تشکیلاتیه مقایسه ایدیلیرسه، ۱۷۸۹ حربلری الجآتیه وجوده

(۷۰,۰۰۰ : ۱۰۰,۰۰۰ کسٹلک بر قوتله) طوپی بولنان
 بر خصمه نسبتہ تہلکلی بر وضعیتده بولنلمیہرق ارزاق
 و ذخیرہ تدارکنی قابل اجرا بر حالہ قویمشدر. زیرا
 زمانمزدہ مطلوب اولدینی اوزرہ منتظم، متفرق بر قول
 اردو، کندیسندن ایکی اوج مثلی زیاده بر دشمنہ اپی
 مدت مقاومت ایدہ بیلیر؛ انلر دیکرلری یتیشہ بیلیمک
 ایچون بو صورتله وقتده قازانمش اولورلر؛ حتی برنجی
 قول اردو حقیقہ مغلوب ایدلمش اولسہ بیلہ، یوقاریدہ بیان
 ایتدیکمز وجہ ایله یوقدن یرہ محاربہ ایتمش اولمز.

بناءً علیہ بو کونکی کونده فرقلر ایله قول اردولر
 یکدیگرندن آیری اولہرق کرک بر تپہ اوزرنده وکرکسہ
 یکدیگری آرقہسندہ بولندقلری حالده، مستقلاً حرکت
 ایتمکده درلر. آره لرندہ موجود اولان یکانہ رابطہ
 ایسہ بر اردویہ منسوب اولدقلری تقدیرده عین محاربہ یہ
 اشتراک ایدہ بیلملریدر.

کتیریلن مستقل فرقلر تشکیلاتی، یالکز بر قوماندانک تحت
 اداره سندہ اولق اوزرہ بر جوق صنفلردن مرکب فرقلر تشکیلہ
 مباشرت ایتمکدن عبارتدی، حالبوکہ اولہ ہر صنف کندی
 طرر حباتی محافظہ ایدرہ، صنوف سائرہ یہ انجق محاربہ نظاملرنده
 التحاق ایدردی. بوکون ایسہ فرقلرلہ قول اردولر تشکیلاتی
 سایہسندہ قطعات عسکریہ اتای محاربہ دہ ہر زمانکی قوماندہا.
 نلرینک تحت اداره سندہ بولیورلر.

بو حال، مغازه لر موجود اولمادن کونی کوننه تعیش ایتمکده مساعددر. هیئت ارکانیله لوازم مأمورینه مالک بولان بو جسم جزؤ تاملرک تشکیلی، بو صورتله ذخیره تدارکنی ده تسهیل ایدر .

۱۵ — (مثلا دشمن قسم کلیسنگ وضعیتی کبی)
غایت مهم اسباب قطعیه زیاننه اوله رق، اک زیاده محصولدار براراضی دارالحركات اولقی اوزره انتخاب اولنور. زیرا، ذخیره تدارکننده کی سهولت، سرعت حرکاته مدار اولور. یالکتر، ارادیغمز دشمن اردوسنگ موضعی، وضبط ایتک ایستدیکمز جیبخانه و مهمات موضعلری ایله یا تختک احوالی، ذخیره تدارکی مسئله سندن ده-ا مهمدر . مثلا : اولجه بحث ایتدیکمز ، اردونک سوق الحیش یا بیلمه حرکاتنگ اک نافع اولان شکلی کبی ملاحظات سائرهنک کافه سی، عمومیتله غایت آزر اهمیت حائزدر.

۱۶ — مستعمل اولان یکی اصولده ذخیره تدارکنه مخالف اوله رق مغازه لردن واز کچمک همان بسبتون قابل اوله مز. دوراندیش بر قوماندان، حتی مملکتک منابع وارداتی کافی درجه ده قاله جق اولسه بیله ، کرک احوال ناکهانی به و کرکسه بر نقطه اوزرنده ده-ا زیاده طوبی بولمق خصوصنه بناء کریسنده مغازه لر تأسیس ایتمکده

اصلاً قصور ایتمز. بوتدیر بصیرت، تصمیم ایدیلن مقصده
ایراث صرر ایدہمین تدایردنددر.

۲ — حال تدافعی

۱ — بولتیقهجه حرب تدافعی دیه، تأمین استقلالیت
ایچون التزام اولنان حربہ دیرلر. حالبوکه سوق الحیشجه،
هر قنئی برسفرده محاریندن بری اولجه حاضرلادینی بر
دارالحرب اوزرنده مبارزه ایتمکله اکتفا ایدرسه اویله
اولان سفرلره بو اسم ویریلیر. مدافعینک بو دارالحرب
اوزرنده اجرا ایتدیکی میدان محاربه لری ایستر تعرضی
ایستر تدافعی اولسون، بو حال مسئله یی اصلاً تبدیل ایدہ مز.

۲ — عمومیتله مدافعه سوق الحیش، دشمن غایت
قوتلی بولندینی زمان اختیار اولنور. بو حالده فی الحقیقه
بر دارالحرب تنظیماتنسک اساس اصلیسینی تشکیل ایدن
مواضع مستحکمه ایله مستحکم اردوگاهلر بر چوق فوائده
عظیمه حاصل ایدر، که بو فوائده اراضیه وقوف ایله
منتظم خریطه لره مالک اولمق فوائده انضمام ایدر.
عددجه دون مرتبه ده و یاخود کوچوک بر حکومت و یا
وسط درجه ده وسائط حربیه مستند بر اردو، منافع
مذکوره یه مالک اولمیان خصمنه بو کبی منافع سایه سنده
مقاومت ایدہ جک بر حالده بولنه بیلیر.

بوندن باشقه ، حرب تدافى اتخاىي حقنده ايكى سبب دها موجوددر.

• برنجيسى : دارالحربه مجاور بولتان منطقه لر نقصان ذخيره دن طولايى حرکاتى اشکال ايدوسه. بو حالده دشمنك بالمجبوريه اوغرايه جفى بر مضر تدن بالذات اجتاب ايدلمش اولور. بو، بالخاصه روس اردوسنك ۱۸۱۲ دهكى حاليدير. ايکنجه جيسى: دشمن، اداره حرب خصوصنده مهارتجه غايت فائق بولنورسه. بردارالحرب اوزرنده هر درلوحالات عارضيه نك منافعه مزه خدمت ايدى جكى بزجه معلوم اولور و بو دارالحرب ده اولجه حاضر لائش بولنورسه بويله بر دارالحرب اوزرنده اداره حرب غايت قولايدير؛ چونكه دها آز خطا ياپيلير. بو صوك حالده، يعنى جنرال لرمزله قطعات عسكريه مزه اعتماد من بولتماز و بو حال حرب تدافى اختيار ايتمك كمزه باعث اولورسه ، او حالده مع الممنونيه مدافعه تعيويه ايله مدافعه سوق الحيش يكدى كرينه مزج ايديلير؛ يعنى محاربه لر اولجه حاضر لائش موضع لر اوزرنده اجرا ايديلير ، كه بو صورتله دها آز خطا ايشله مك ماملدر.

۲ — حرب تدافعيده ده، حرب تعرضيده اولدينى كى دائما عظيم بر مقصدي تعقيب ايتليلدر. بو مقصده ده، دشمنك انتظامنى بوزه جق واوونى تلفات عظيمه ده دوجار

تشکیل ایڈہ رک اپی بر خط مدافعه خدمتی کورر لر .
 طاغلر دن ایکی صورتله استفاده اولنور: برنجیسی: طاغلری
 جبهه ایلیرسنده بر اقق وبلاخره دشمنک آیری آیری
 قوللری کچیددن کچمکده ایکن تکمیل طویلی قوتله اوزرینه
 هجوم ایتک ایچون، دشمن بو طاغلرک کچیدلرینی زورلایه
 بیله جک وجه ایله انلری غایت آز قطعهلرله اشغال ایتمکدن
 عبارتدر؛ بو حال میاه جاریه مدافعه سنک عینیدر. ایکنجیسی
 اصل طاغلری اشغال ایتمکدر. بوصول حالده اردونک قسم
 کلیسنی $(\frac{1}{4} : \frac{1}{4})$ احتیاطده صاقلایه بیلیمک ایچون مختلف
 کچیدلری، ضعیف مفرزه لرله مدافعه ایتلی ومذکور احتیاط
 ایله ده، کچیدلری زورلامغه موفق اولان دشمن قولی اوزرینه
 قوتجه فائق بر حالده هجوم ایتلیدر . بو صورتله حرکت
 ایدوبده خصم اردوسنک کلی بر قسمی تبہلمکه موفق
 اولنورسه ، کچیددن کچمکه موفق اولان سائر قوللر
 کنیدلکندن چکیلرلر.

طاغلرک قسم اعظمک طرز تشکله نظراً، مرکز
 طرفلرنده آز چوق مرتفع تبہلر بولنور. حالبوکه میللر ،
 بوتپهلرله برلشمیه جک وجه ایله طرق تقریبه لری تشکیل
 ایدن دیک وادیلرله قطع اولمشدر. بناءً علیه مدافعین، طاغلر
 اورته سنده صاغه صوله سرعتله حرکت ایده بیله جکی
 بر منطقه په تصادف ایدر. هجوم قوللری ایسه بالعکس

طارونا قابل مرور ، ديك بر شعبه جبال ايله متفرق واديلرده محاربه ايتمكه مجبور اولور . بويچمده تشكّل ايدن طاغله، ابي بر مدافعه يه اك زياده صالح اولانلردر. بالعكس بو طاغلر ك داخلي ناقابل تقرب، صارپ بر حالده بولنورسه اوزمان مدافعينده يابلغمه مجبوريت كورر؛ بناءً عليه بو طاغلري قوتلر ك قسم كليسي ايله اشغال ايتكمده تهلكه موجود اولور. بو حالده منافعك كافه سي بعض نقطه لرده غايت فائق قوتلرله هجوم ايدم بيله جك اولان مهاجين طرفه نكچر؛ زيرا فائق قوتلرله آزر زمانده ضبط ايديله ميه جك درجه ده حد ذاتنده غايت متين بر كچيد وياخود منفرد بر كچيد نقطه سي هيچ بروقت بولنه ماز.

۷ — طاع حربلرنده هر شي مادون قوماندانلرله ضابطلر ك مهارتنه ، اك زياده و بالخاصه عسكري شوق وغيرته كتيرن فكره باغليدر . بو خصوصده ماهر بر مانوره جي اولمهنك لزومي اولميو ب بر فكر جنكاورانه ايله شوق و غيرته كلمك ، بتون قلييله وظيفه يه مربوط بولنق ايجاب ايدر؛ زيرا بوراده هر كس آز چوق مستقل ديمكدر . ايسته بالخاصه، ملي مليس عسكرلرينك طاع حربنده شاين اهميت بولنسي بوندن نشأت ايدر ؛ زيرا بولر هر نه قدر مانوره خصوصنده ماهر دكل ايسه لرده بوكا قارشي اوصاف سائره يي صوك درجه حائزدرلر.

۸ — مدافعه سوق الحیش حقنده سويلته جك
 قواعدى تماملاق ايچون شونى ده بيان ايديم، كه مدافعه
 سوق الحيش تعرضدن دها متين اولسه بيله ينه يهوده در؛
 مدافعه سوق الحيش اولسه اولسه انجق ايلك موفقيات
 عظيمه دسترس اولغنه مدار اوله بيلير. فقط بر كره
 بو مقصده نائل اولدقدن صوكره عقبنده مصالحه وقوعه
 كلزسه، اوندن صوكره فوائد جديده تايمين ايدم جك برشى
 وارسه اوده تعرضدر. دائما مدافعه ده قالمق، حربى دائما
 كندى ضرريه اجرا ايتك حال اسف آميزنده بولنق
 ديمكدر. بو باربى نهايه مقاومت ايدم جك هيچ بر حكومت
 بولنه مز. بوندن ماعدا هيچ مقابله ايتمه دن يالكز ماشدن
 صاومقله اكتفا ايدم رك دشمنك ضربه لرينه قارشى زره
 استعمال ايديليرسه، قوتلرينى ضايع ايتك و مغلوبيتله ايشه
 خاتمه ويرمك تهلكه عظيمه سنه دوجار اولنور. بناء عليه،
 احتمالات مكمله سايه سنده ايشه تعرض ايله نهايت
 ويرمك مقصدينه بناءً اولاً مدافعه ايله باشلامق
 ايجاب ايدر .

۳ — حال تعرضى

۱ — تعرض سوق الحيش مقصد حربى طوغيردن

طوغری تعقیب ایدر؛ زیرا مقصد اصلی، دشمنك محارب قوتلرینی طوغریدن طوغری محو ایتمکدر. حالبوکه مدافعه سوق الحیش بومقصدہ قسماً بالواسطه موجود وسائط ایله موفق اولمغه غیرت ایدر. بوندن شوچیقار، که تعرض قواعد اساسیه سی سوق الحیش قواعد عمومیه سی داخلنده در. یالکز ایکی نقطه آریجه تدقیقه محتاجدر.

۲ — برنجیسی: قطعات عسکریه ایله مهمات حربیه نك علی الدوام تبدیل موضع ایتسیدر. بو حرکات، مدافعین ایچون مشکلات عظیمه ارائه ایتمز؛ چونکه منابع تعیشی دائماً یانسنده در. فقط مهاجمین اکثر حالاتده غایت قوتلی بر حالده بولنق فائده سنی حائز اولدیفندن بعصرکه قوتلرینی، مشکلات عظیمه یه دوچار اوله رق غایت اوزاقلره کتورمکه مجبور اولور. بناءً علیه قوتسز قالماق ایچون احتیاج حس ایدلمدن اول اخذ عسکر ماده سی ایله اسلحه ومهمات نقلیاتی تنظیم ایتلیدر. خطوط اتصالیه سی اوزرنده بولنان یوللر، یوروش مفرزه لری (Détachement de marche) ایله مواد لازمه یی حامل قافله لر طرفندن ستر ایدلملیدر. بو حرکات نقلیه یی تأمین ایتک ایچونده یوللر اوزرنده عسکری موقفلری تأسیس ایتلیدر.

۳ — اک مساعد حالات ایله مادی ومعنوی برتفوقه مالک بولندینی زمان بیلله، مهاجمین بیوک بر فلاکت احتمالی

پیش دقتہ المیدر. بونک ایچونده اوزرنده منہزم براردو
ایله طویلانیله بیله جک وجه ایله خطوط الحركاتی اوزرنده
برطاقم نقطه لر تنظیم ایتلیدر. بونقطه لرده، مستحکم اردو-
کاہلر ایله قلعہ لر ویاخود ساده جه مستحکم اردو کاہلر در.
خصمک تعقیبنی توقیف ایچون میاه جاریہ جسمه اک
مکمل بر ماعدر. بناءً علیہ بو نہر لرل کجید نقطه لرینی
قوتلی ردوتلردن متشکل بر محیط ایله جویرلمش سر
کوپرولر تأسیس ایدہ رک تأمین ایتلیدر.

بونقطه لری، غایت مهم شہر لرلہ قلعہ لرده اولدینی کبی
اشغال ایتک ایچون دشمنک تشبثاتیله اہالینک احوالندن
نہ درجه قورقولیور ایسہ کریدہ ده او نسبتده قطعه
براقیلیدر. بو قطعه لر، مملکتدن کلن قوۃ امدادیہ ایله
یکی قطعه لر تشکیل ایدرلر، کہ بو قطعه لرده موفقیت
حائله اردونک ارقه سنی تعقیب، وعدم موفقیت حائله
ایسہ رجعتی تأمین ایچون نقاط مستحکمہ یی اشغال ایدرلر.
ناپولیون، اردوسنک کریلرنده تنظیمات اجرایی
خصوصندہ کی تدایره دائر شایان حیرت بر بصیرت ابراز
ایتشد. ایشته مشارالیه بونک ایچون اک جسورانه حرکاتندہ،
کورونشدن زیادہ حقیقتدہ تہلکہ یی دہا آز کوزہ
آلدریوردی.



یوقاریکی قاعده لرك اثنای حربده تطبیقی

فن حرب قواعد اساسیه سی ذاتاً فوق العاده بسیط اولدینی کبی ذکاوت سلمیه مالک هر بر فردك اقتداری داخلنده در. بو قواعد، سوق الحیثدن زیاده تعصیه دهه زیاده معلومات خصوصیه متوقف ایسه ده، بناء علیه بو معلومات كرك وسعت وكر كسه تنوع مواد جهتیه هر قننی بر فن ایله قیاس قبول ایده میه جك درجه ده محدود در. فن حرب ایچون خواص ذکای خارق العاده نك لزومی یوقدر. اکر، مجرب بر قوه عقلیه خارجنده اوله رق حرب ایچون خصوصی بر خاصه فکریه تحریری لازمکسه ایدی، هر شی کوستریورکه بو خاصه ده خیل ودسیسه به بر میلدن عبارت اولوردی. عکس حال اثبات اولنه لی پك چوق زمان اولمشدر؛ فقط بوذه یالکز مسلکمز حقنده اساسنز بر نقطه نظرله حربه دائر یازی یازان مؤلفرك تفاخری سائقه سیله اثبات ایدلمشدر. حرب، بلاسفسطه نظر ملاحظیه آلدینی حالده بوکا بالمجبوریه کسب وقوف ایدیلیر؛ تجربه ایسه بو قناعت می

نایید ایدر. بوخصوصده، فن حربی هیچ برزمان تحصیل
ایتمدکری حالده ال ماهر و حتی ال برنجی قوماندانلر
قدر ابراز لیاقت ایدن بر چوق ذواتی بولق ایچون اخیراً
وقوعه کلن داخلی محاربه لری خاطر لاق کفایت ایدر.
بو حال، قونده، واللنشتاین، سواروف ودها بر چوقلری
حقنده ده جای اشتباهدر.

عن اصل اداره حرب صوک درجه مشکل بر مسئلهدر،
بونده اصلاشبه یوقدر. فقط صعوبت، هیچ برزمان فن حرب
قواعد حقیقه سنه کسب یقین ایچون بونک خصوصی
بر فضل وکاله ویاخود عظیم بر دهایه لزوم کوسترمسندہ
دکدر. بو، قواعد حربیه ایله نه قدر آز انسیت
ایتمش بولنورسه بولنسون اولدجه بارلاق، آزاده خیالات
اولان هر بر فکرک همه حال اقتدار ی داخندهدر.
بو قواعدک خریطه ایله کاغد اوزرنده کی تطبیق هیچ
مشکلات ارئه ایتمدیکی کبی اینی بر سفر پلانیده، انصاف
ایله دوشونیلیرسه، بیوک بر اثر نفیس عد اولنه مز. ال
بیوک مشکلات، اولجه تعیین ایدیلن قواعد اساسیه یه
اثنای تطبیقه صادق قالمقدر.

ایشته بوسوک فصلده، نظردقی بومشکلات اوزرینه
جلب ایتمک مقصدینه مبتیدر. بوکا دائر واضح بر فکر

ویرمک ، بو خاطرەنک مستند بولندیی موادک ذاتاً بر مقصد اصلیسیدر .

ادارهٔ حرب ، هیئت عمومیه سنی اعتباریله ،

خارق العاده بر دلک واحتکاکی حاوی قاریشیق بر

ماکنه نك ایشلمه سنه بکزر . ایشه بونک ایچون کاغد

اوزرینه یازلمسی غایت قولای اولان افکار و تداییر، انجق

فوق العاده بر سعی و غیرتله موقع اجرایه قونه بیلیر .

قوماندانک آرزوی مستقلی ایله فکر ذاتیسی، انسانی

جولاننده هر زمان سکتهدار عطالت اولور . بو مقاومت

غلبه ایتمک ایچون ایسه خصوصی بر قوهٔ ذکا ایجاب ایدر .

بو دلک واحتکاک سببیه پک چوق افکار حسنه محو

ایدیلهرک غایت ساده وغایت بسیط بر شکل تحتده اولهرق

اک پارلاق نتایجی قاریشیق بر شکله وجوده کتیرن

بر مقصدی تعقیب ایتمک لازمکلیر .

بو احتکاکی وجوده کتیرن کافهٔ اسبابی تعداد ایتمک

عیر نمکندر؛ فقط باشلیحه لری شونلردر:

۱ — دشمنک احوال و تداییری، عمومیتله بر پلان

یپارکن فرض وتخمین ایدلمدیکندن ده آز معلوم اولور .

[*] اوزمان ایدیلن فرضیاتده جدی بر صورتده الدانلمش

[*] ناپولیون، طالک ثقی تصادفه بر اقلش بر پلانی مکمل

دوشولش بر پلان اولقی اوزره تلقی اپدیور .

ایسہ ، معروض بولیلہ جق تہلکہ لڑک قلبہ القا ایتدیکی
برچوق شہلر محاربہ انسانندہ تظاہر ایدر . بیوک برایش
یاپارکن انسانندہ پک قولای بر صورتدہ ظہور ایدن حس
اندیشہ بزودہ استیلا ایدہ جکی کبی بو اندیشہ ایلہ
تردد ، بو تردد ایلہ نیم تدایر ارہ سندنہ پک چوق بر
فرق یوقدر .

۲ — یالکز دشمنک قوتنہ دائر شہدہ بولنلماز ،
بوندن باشقہ دشمن حقندہ کی تواتردہ (ایلری قرہ غوللر-
مزدن ، جاسوسلر مزدن و یاخود بالتصادف دشمنہ دائر
الدیغمز حوادثلر) دشمن قطعاتنک عددینی تزید ایدر .
انسانلرک قسم اعظمی طبیعہ قورقادر . ایشتہ ، انسانک
تہلکہ کی دائماً کوزی اوکندہ بیوتسی بوندن ایلری کلیر .
قوماندانہ اجرای تأثیر ایدن ہر برشی ؛ بوقوماندانی ،
قارشیسندنہ بولنان خصمک قوتی حقندہ دائماً یاکلش
بر فکرہ ذاہب ایدر ؛ بوندنہ یکی بر منبع تردد
وجودہ کلیر .

آرتق بو شہبہ یی نظر دقتہ آلق ممکن اولہمز ؛ فقط
اک مهم مادہ بوکا اولدن حاضر لانتقدہر .

دہا ہیج برقرار ویرمہدن ، اک محتمل حالاتی اوکجہدن .
کمال مکانشلہ تدقیق ایدہ رک آریوب بولدقن
صوکرہ ، عقبنده ایلک فکردن واز کچمکہ حاضر لانتیوب ،

بالعكس كلن خبرلری دقتله نظر مواخذمه آلق ،
 بو خبرلری يكدیكرینه تطبیق ایدهرك بربری نقض
 ایتك، الكیكلرینی بولدرمق ویاخود یكیجهرمنبعدن آراتمق
 ایجاب ایدر. بعض حوادثلرك اساسسیرلی ، یینلرندهکی
 مبینتدن هر زمان تظاهر ایدر. بعضاًده ایلک حوادثلرك
 حقیقی اكلاشیلیر. بو صورتله هر ایکی حالدهده دها زیاده
 حقیقته واقف اوله رق ایی بر قرار ویرمك قابل اولور.
 فقط ینه شبههده قائلیرسه ، او زمان حربده هیچ بر شیئی
 تهلكه سز اجرا ایتك قابل اولمديغی، دائماً نره یه كیدلدیكنی
 بیلمه مك طبیعت حرب اقتصاصندن بولنديغی ، معافیة
 بعض حقیقت زمانلری اولسه بیله مواد محتملهك ینه محتمل
 قاله جفنی، خلاصه حد ذاتنده معقول بر طاقم تدابیر اتخاذ
 ایدلدیكى حالده بركره یاگیلمقله یكدن دوچار مغلوبیت
 اولنه میه جفنی دوشونمك ایجاب ایدر.

۳ — معین بر زمانده وضعیت احواله دائر اولان
 تردد یالکز دشمنه عائد اولمز ، كندی اردومزهده عائد
 اولور. فی الحقیقه ، اردونك كافه اقسامنه لایقی وجه ایله
 كسب وقوف ایدیله بیله جك درجهده طویلی بولنسی پك
 نادر در . اندیشه یه میل نه قدر آز اولورسه اولسون
 بو حال دیگر بر منبع تردد تشکیل ایدر. ایشه انتظار
 ایتكه قرار ویریلیر ؛ فقط بو انتظارك نا قابل اجتناب

اولان نتیجه سی ده هیئت عمومیتهك افعال و حرکاتند
بر توقدن عبارت اولور .

بناءً علیه اتخاذ اولنان تدابیر عمومیتهك، کندیسندن
بکله نیلن نتایجی حصوله کتیره چکنه قناعت کامله ده بولنق
ایجاب ایدر. بو باده، بالخاصه درجه ثانیه قوماندانلرینه
ایدیله چك اعتماد شایان ملاحظه در. بو خصوصه استعمال
ایتمك ایچون بالخاصه کندیلرینه اعتماد ایدیله بیلن ذواتی
انتخاب، و هر درلو ملاحظات سائرده صرف نظر ایتمك
ایجاب ایدر. اگر مقصده غایت موافق تدابیر اتخاذ ایدلمش،
قابل احتمال اولان هر درلو تصادفات مشثومه بی نظر دقته
الهرق بو تصادف محاربه اثاسنده ظهوره کلدیکی حالده
بردنبیره هر شیئی غائب ایتمه چك وجه ایله ترتیبات النمش
ایسه، او حالده طلام تردد ایچنده کمال جسارتله ایلر یلمکده
هیچ بر زمان اجتناب ایتمهك ایجاب ایدر .

ع — فوق العاده بر قوت ایدرهك صوك
درجه بر شدتله اداره حرب آرزو ایدیلسه، مادونلر
ایله قطعات عسکریهك (خصوصیه حربیه آلیشماش
بولنورلر) هر دقیقه ناقابل تحمل اولدیغنی بیان ایده چکلری
مشکلاته مصادف بولسه چکلرینی امید ایتملیدر . بونلره
یوروش غایت اوزون، صرف ایتدکلر قوت فوق العاده،
ذخیره تدارکی غیر ممکن کلیر . فره در یتمك دیدیکی کج

بو مشكلرك هېسته قولاق وړيليرسه شدت و مناتنه
حرکت اېده جک پرده بالعکس مقصدک خارجنه حيقه رق
اقدار سزلفه، ضعيفته، عطالته دوجار اولنور.

هر شته قارشى ابراز منات اېمک اېچون کندی
ظنباڼه، کندی اعتمادانه امنيت ايتلېدر. بو حال اکثريا
بر تغد کى کورينورسده حقيقت حاله، بزم ثبات
ومتانت نسميه ايديکمز شدت فکر وطيعتدر.

۵ — وقوعه اعتماد ايديلن نتايج، حرب حقنده
تبعات عميقه اجرا اېده رک بر فکر ايديمه مش، تجارب
حربه کورمه مش بر ذاتک کندی کندينه تصوير اينديکى
وجه ايله تمامى تمانه حصوله کلز.

پک جوق دفعه لر تاخړه بادی اولان اسبابه کسب
وقوف ايديله مېره رک بر قولک يورويشى حقنده بر قاج ساعت
خطا ايديلير. اکثريا اولجه اکلشلمسى غير ممکن بر طاقم
موانه تصادف ايديلير. بعضاً اردو ايله بر نقطه يه کيتمکه
نيت اولنور؛ فقط دهبا بر خيلى فرخ ايلريده توقفه
مجبوريت کورولور. بر پوسته، يرلشديريليرکن تصور
ايديليکى کې برايش کوره مز؛ حالبوکه دشمن پوسته مى
مأموک خارجنده ايشلر کورر. اکثريا بر منطقه نك
مسابع وارداتى ظن اولنديغندن دهادون بولنور. الخ...
بو کې اوينوسر لقلره انجق فرق العاده سى وغیره.

غلبه او ثور ۲. بوکا نائل اولقی ایچونده قوماندان اولان ذاتک، اکثریا فوق العاده بر شدت ابراز ایتمی ایجاب ایدر. ایشته هر درلومکناته موفق اوله جفنه قناعت حاصل ایتدکن صوکره بو کوچک مشکلرک حرکات اوزرنده کی تأثیر عظیمه هیچ بر خلل کتیره میه جکنه، واصل اوله بیله جکی مقصدن خارج بک چوق برشی قالمیه جفنه امین اوله بیلیر. ۶ — بر اردونک حقیقت حالده حرکاتی اوطه سنده تعقیب ایدن بر ذاتک تحیل ایتدیکی وصعیتده بولنه میه جعنه قطعاً امین اولمیلیدر.

بو ذاتک او اردویه بر توجهی وارسه، اردویی حقیقت حالده بولندینی درجه دن فائق، ثلث و یا خود نصف درجه دها زیاده قوتلی تصویر ایدر. قوماندانک ایلک سمریلائی طاسار لایبی زمانده ده عین حالده بولنه جی طبعیدر. فقط بالاحره تصورندن خارج اوله رق اردوسنک ازالدیعی، طویجیسنک و سواریسند، ایشته یارامیه جق بر حاله کلدیکنی کورر. بدایت سمرده قوماندانه و یا خود بر مفتشه غایت ممکن، غایت قولای کورون برشی اکثریا محاربه اشاسنده صوک درجه مشکل، صوک درجه غیر ممکن کورونور. اگر قوماندان جسارتله شدتلی بر آرزویه، برده حرص عالیه جنابانه یه غیرتی مزح ایدرک مقصدینی تعقیب ایدیورسه، او حالده عادی بر آدمک مملکتی ترک ایتک ایچون اردو ک.

احوالنده کافی بر معذرت بوله بیله جکی بر زمانده بوقوماندان مقصدینه تمامیه موفق اولور.

ماسه نا (جنوه) دهو (پورتکیز) ده، قوماندانده کی آرزوی شدیدک قطعات عسکریه سی اوزرینه نه درلو بر تأثیر اجرا ایده جکئی کوسترمشدر. (جنوه) ده، سرت باشلیقنک دیمیه لمده شدت طبیعتک قطعات عسکریه سندن استحصال ایتدیکی مثلی نامسبوق فعالیت، مآثر مظفریتله پیرایه دار اولمشدر. (پورتکیز) ده ایسه هیچ بر کیسه نک یاهمه جی بر درجه ده اوزون مدت ابراز متانت ایتمشدر.

اکثر زمانده دشمن اردوسی ده بویله بر حالده بولنور. واللشتاین ایله به نیغزه نک (ایلاو) محاربه سندن صوکره کی حالئی خاطر یکره کتیریکز. فقط انساک کوزی اوکنده کندی وضعیتی بولندیغی زمان دشمنک وضعیتی کورمک قابل اوله مز.

کذا عادی انسانلرک کندیلرینی بو حاللرک برنجیسنده زیاده ایکنجیسنک تحت تأثیرنده دها چوق بولندیرلر. زیرا لسان عقله اطاعت ایتمک اشخاص عادیه خواصنددر. ۷ — قطعات عسکریه نک ارزاق و ذخیره تدارکی، نه صورتله اولورسه اولسون، [مغازه و تکالیف حریبه اصولی] دائم مشکلات پیدا ایدر، که بومشله اتخاذ ایدیلن تدابیری انتخاب خصوصنده غایت قطعی بر ایهیتی حائزدر.

بوجود آید. اکثریای آن در فکره قارشی عمانت ابتدیی
کبی، مظفریتلر، پارلاق موفقیتلر، آرامق اقتضا ابتدیی
بر زمانده ینه جک برشی آرامغه مجبوریت حاصل ایدر.
بتون ماکنه نك [یعنی اداره حربك] دوجار بطائت اولمسنك
سبب یكانه سی بو مسئله اولدینی کبی منافع داتیه سنك،
ترتیبات عظمیه اجراسنه فائق بولمسنده باعث اولان ینه
بو مسئله در.

بر احتیاج طالماته ایله قطعاتی، صوك درجه محرومیتلره،
فوق العاده قوت صرفه مجبور ایدن بر قوماندان ایله
اوزون حربلر ائناسنده بوفداکارلقلره آلیشان براردو،
خصم لرینه قارشی ناقابل تعریف بر استفاده، هر درلو
موانعه قارشی مقصدلرینی تعقیب خصوصنده صوك درجه
بر سرعت قازانمش اولورلر. بویله کوزل پلانلره نتیجه ده
نه قدر اختلاف حاصل اولور!

۸ — عمویتله بو کبی حالاتك کافه سنده آتیده کی
حقیقته کسب وقوف اتمک ن غیری برشی یاسیله مز:
محاربه ده قوه عقلیه احتساستندر صدور ایدن افکار،
اولجه مدققانه بر مطالعه بی متعاقب اتحاد ایدیل افکاردن
دها شد تلیدر. فقط بوفکرلر، هر درلو موادك بر تاثیر
ابتدایی اولدینی کبی اکثریاده — بیلدی کمز کبی —
حقیقتدن پك زیاده انحراف ایدر. بناء علیه ظهوره کلن

ایتمک، مدققانه، قوشونلارین بر فکری فدا ایتمکه
مجبوریت کوریلور.

بو ایلک تاثیرک، قورقو ایله افراط درجده رتدیر
حسی اوزرینه اجرای فعل ایتمسه باعث اولان قوه عقلیه به
کانهجه: بوقوه عقلیه، هر شینک یالکز ر جهتنی نظر دقته
الان اسانلرک مفطور اولدقلری خوف و جبات ایچنده
مدفون قالیر.

ایشته بو ضعفیه قارشى ابراز متانت ایچون اولحه
دوشونلن ملاحظاتک نتایجه اعتماد تام حاصل ایتمش بولنق
ایجاب ایدر.

.....

بناءً علیه محاربه خصوصنده کی شو مشکلات، بومحاربه
ربه یی توجیه و اداره ایدن ذاتک کندی تصویراته قناعت
کامله سی، عزم و ینق بولنمسی طلب ایدر. ایشته بونک ایچون
خصوصات حربیه یی اصلیه، نه درلو اجرای فعل ایدر یورسه
او صورته ا کلامنی اوکره تن تاریخ حرب مطالعه سی،
غایت مهمدر. نظری بر تحصیل ایله اکتساب ایدیله بیلن
قواعد اساسیه ایسه یالکز بومطالعہ یی تسهیل ایتمکه
ونظر دقتی تاریخک نقاط مهمه سی اوزرینه جلب ایلمکه
مدار اوله بیلیر.

بناءً علیه تاریخ حرب مطالعه سیله مواخذہ ایتمک،

روش احواله موافق اولوب اولمقدقلری ا کلامق، وقوعات
ایله مثبت و یا خود ضد بولندقلری حاللری میدانہ چیقارمق
ایچون قواعد اساسیہ حربی او کړنمک ایجاب ایدر. تاریخ
حرب مطالعه سی یالکز بیوک ماکنه نك [اداره حربك]
دلك واحتكاکی تسمیه ایتدیكم شیشه دائر اولدقجه نافذ
بر فکر ویرمک ایچون تجربه ذاتیه بی اکمال ایتمک مدار اولور.
معافیہ بو باده نتایج عمومیہ اعتماد ایتمک
لازمکلبیکی کبی مؤلفلرک ویردکلری حکملرده اعتماد
ایتمه ملیدر؛ زیرا تفرعات مسئله یه لایقیه کسب وقوف ایتمک
لازمدر. تاریخ نویسار علی العموم اردولرینک افعال
محسنه سنی تزیین ایتمک و یا خود حادثاتک قواعد مفروضه
ایله اولان مطابقتی کوسترمک ایسترلر. بونلر وقوعات
یازہ جقیره، حکایه ایدرلر. بونک ایچون آرزو ایتدیكمز
مقصده موفقیت، بر چوق تاریخلری مطالعه ایتمک کمزه
لزوم کوسترمز. بر قاج محاربه بی تفصیلاتیه تدقیق،
اساسیه تعمیق ایتمک بر چوق سفرلرک مطالعه سندن ده
استفاده لیدر. بونکله برابر اصل تاریخ کتابلرندن زیاده
وقایع مفصله ایله حرکات ژورناللری تدقیق ایتمک ده
چوق فائده سی واردر. بو کبی وقایعه اک کوزل بر مثال،
جبرال شارنهورستک خاطراتنده کی ۱۷۹۴ سنه سنده
(مه ن) مدافعه سنک توصیفیدر. بو وقعه، بالخاصه محافظینک
خروج نومیدانه سی ایله دشمن اره سندن کچمسی مصور

اولان قسبی تاریخ حرب یازمق اصوله دائر بوله بیله جکتر
نمونه لرك اك مكملیدر.

دنیاده هیچ بر محاربه یوقدر، که حربده موفقیتدن
صوك زمانه قدر نا امید قالماق لازیمکه جکنه، تصور
ایدلیدی قدر منتظماً ظهوره کلین قواعد منتظمه تأثیرینک
اك مشوم حالاتده بیله، تأثیراتنک دها اول کاملاً ضایع
اولدیغنه قناعت کامله حاصل ایدلیدی حالده هیچ مأمول
اولندیقی بر زمانده تکرار ظهوره کله بیله جکنه دائر بکا
قناعت کامله ویرمش اولسون.

بر حس نافذک، قوماندانک اوصاف عالیه سنی روحلا.
ندر مسی، بو اوصافک ده سزارک حرص و طمعی، آنیبالک
دشمنه قارشى بعض وعداوتی، ویاخود ایکنجی فرمه دریقک
شان و شرفله محو اولمق خصوصنده کی ثبات مغرورانه سی
اولمیدر.

قلبرکزی دائماً بوکئی حسیاته کشاده بولندیریکز.
پلانلریکزی یاپارکن جسور وکتوم، اجرایی خصوصنده
ایسه شانلی بر نتیجه بولغه عزم ایدرهک مقدم و ثباتکار
اولکز. ایشته او زمان طالع حرب، شعله جازرباسی اك
صوکره کله جک احفادکز میاننده بیله نامکزی پایدار
ایده بیله جک بر مائر بر مفاخر مظفریتله سرظفر کسترکزی
تزین ایدره جکدر...

گنجخانه اسلام و عسکریده ساتیلان آثار عسکریده دن
بعضیبری:

اصول تطبیقه نظراً تاریخ حربك مطالعه سی

آوروپاكت اك بيوك محررين عسکریده سدن آلمانیا ساقی حربیه
ناطری فون وردی دوورنواكت بر اثر مشهوریدر . من حربك
مأخذ اصلیهی اولان تاریخ حربك صورت مطالعه سیله اسفار
ساله ده کی حرکات و وقایع حربیه بی تمییه مسئله لری صورتیده حل
ایله مسائل مذکوریه بی منسوب اولدی بی اردوكت تنسیقاتنه تطبیق
و مقایسه ایتمکی اوکره در بر اثر مهملدر . مترجی: ارکان حربیه
میرآلایرندن اسماعیل فاضل بك . ۲۴۰ صحیفه در . درت رنگ
اوزریه طبع اولمش فایت نفیس بر حریطه ایله مزیددر . کاعدی
وطبیی بك نفیس در . فیثانی (۱۰) فروش .

پیاده مکتوبلری

مشهور پرنس هوغلوهه نك

پیاده مکتوبلری ؛ پیاده نك تعلیم و تربیه سنه دائر تعلیمامده
موجود قواعد و ضوابطك ادمان تعلیمدن باشلایهرق لوا تعلیملریه
قدر بالجله صور تطبیقیه سی ایله خدمت سفریه و یوروش ائسا .
سنده کی تدایر صحیه به هاند خصوصاتی تاریخ حربیه نظراً بیان ایدر .
اوج حلدن متشکل ، شسیوز صحیفه در . مترجی: ملازم احمد
رفیق کدر . اجزا فیثانی (۱۱) مجلد (۱۲) فروشدر .

سفریه و تعیه تطبیقاتی

ایکھی طبع

بر مسئلہ تکمیل قواعد سفریہ و حریہ بی اجمال و بر
قوماندانک انشای سفریہ ایماستہ مجبور اولدی و طائفه
محاربه تک طرز حریانی مسئلہ طرزنده اوله رق غایت واضح
بر صورتده بیان ایدر . سفریه و تعیه تطبیقاتی ، طاقم
قوماندانریه رهبر اولق اورده یارلمش کوزل بر اثردر .
بیوک بر خریطه بی حاویدر . مترجمی ارکان حریه قول آغالرندن
وحید بک . فیثاتی پدی بچق فروشدر .

منتخبات اصول تعیه

جنرال به دویا

مترجمی:

ارکان حریه قائمقاملرندن نریا بک .

تعیه به قائد کوزل و مهم بر اثردر . یوروش خدماتی ، تعیمی
وندافعی محاربه لر ، تعقیب و رجعت حرکاتی ایله ایلری قره غول خدماتی
کبی مباحث مهمه بی شاملدر . طبعی غایت نفیسندره . ایکی جلدندن
تشکیل اولوب فیثاتی ۱۲ بچق فروشدر .

آلمان اصول حربنه دائر عملی مثالر

ارکان حریه قائمقاملرندن هاوشیلد بکک اثریدر . آلمایاده
مالذات مانوره میداننده مشاهده اولنمش حرکات و عملیات مختلفه دن
باحث اولوب بر خریطه ایله اون عدد شکلی حاوی مهم بر اثردر .
فیثاتی (۵) فروشدر .



عجمی تعلیمی ہفتہ جدولری

کړك مكتب مون حربيۀ شاهانه دن پنهانۀ ايدن وكر كسه
آلايلر ده بولسان صابطانك عجمي نمراتك سياق واحد اورره
مستطماً تعليم و تربيه ايتلمريه حادم اولق اوزره يازلش استعاده لي
بر اثر در. پاوران حصرت شهر ياريدن قول آماي فاصل بككدرد.
ميثاتي (۲) غروشدرد .



يوقلمه ورسم كچيدلر

بلوكدن مرقه يه قدر قطعاتك يوقلمه ورسم كچيدلريك صورت
احراسي كوسترر اشكال وقفصيلات لارمه يي محتوي اولوب
پور باشي تروت وحيدر امديلر طرفدن يازلشدر . ميثاتي
(۱۰۰) پاره در .



پياده نك سوازي هجوملرينه مقابله سي

ر پياده طاهوري طرفدن سوازي هجوملرينه مقابله ايچون
تعقيب اولمسي لازمكلان قواعدي كوسترر بر اثر در. محردلري:
پوز باشي تروت وحيدر افنديلر. فياتي (۲) غروشدرد .



بنيجيڪ يارديملري

يارديملرڪ تمرهاتي به بولرڪ مختلف حالده صورت استهالارندن،
باركيرلرڪ سوق واداره سدن باحندره. محرري: يوربائي وكيلى
صادق بك، فيآتي (١٠) پاره دره.

تبصره {برنجي}

ياوران حصرت شهر ياريدن يوزمائي ماحي بڪكددره.

پياده تعليمات هاپوننه نظراً اردوى هاپون پياده ملازملي به
مكتب حربي شاهانه پياده شاگرداسه اصول تعليمده خادم
اولقى اورده ترتيب ايدلش، غايت نافع بر ائردره. فيآتي
(٥) غروشدره.

تبصره {ايکنجي}

خدمت سفر به اساسه نظراً اردوى هاپون پياده ملازملي
ايه مكتب حربي شاهانه پياده شاگردانه مخصوص اولقى اورده
ترتيب ايدلشدره. يوزمائي ماحي بڪكددره. آتي (٥) غروشدره.

پلونه مدافعه

١٨٧٧ سفرنده عثمانيلرڪ پلونه موقعنده ابراز ايتش
اولدقلى جلادت حاسنى الكطوفى بر صورتده معورشايان استعاده

راثر ~~هنگامه~~ در. ~~مؤلف~~ ارکان حربیه قول آغالندن اجه حال
ك. فیثاتی ۷ بحق غروشددر. بلونه جوارینك منتظم وخریطه.
نی ده حاویدر.

برنجی نابوایونك امثال حربیه سی

امكار وحركات عسكریه سیله تاریخ حربك اك شالی صحیفه لرخی
اشعال ایدن بیسوك نابولیونك مطالعات عسكریه وملاحظات
حكیمانه سی حاممدر. مترجی ملارم احمد رفیق نكدر. فیثاتی
(۲) غروشددر.

تعییه مسئله لری

آلمانیا ارکان حربیه بیکباشیلرندن (فرییکه دل) ك مشهور
راثریدر. بکرمی بر مسئله یی سامع ورنکلی اولق اوزره بش بیوك
خریطه یی حاویدر. مترجی ارکان حربیه بیکباشیلرندن عثمان سائی
لك. فیثاتی (۳۵) غروشددر.

ضابط کشف قولى

سوارینك وظائف سوق الجیشیه سنه دائر آلمانیا ارکان حربیه
قائم مقاملرندن فون. فلايست نام ذاتك مشهور بر اثریدر. مترجی
ارکان حربیه قائم مقاملرندن بسم بکدر. طبعی وکاغدی قابت نفیسدر.
فیثاتی (۶) غروشددر.

کتابخانه اسلام و مسکریه صاتیلان آثار مسکریه
بمضیاری :

بازم فروش

- ۱۰ اصول تطبیقه نظراً تاریخ حربك مطالعه سی
- ۲ پیاده نك سواری هجوملرینه مقابله سی
- ۵ آلمان اصول حربنه دائر هملی مثالر
- ۱ ۲۰ یشیهیلک یاردیملری
- ۲ عجمی تعلیمی هفته جدولاری
- ۲ ۲۰ سوقله و رسم کچیدلر
- ۱ ۱۰ گجه یوره یش و محاربهرلی
- ۷ ۲۰ سفریه و تمییه تطبیقاتی
- ۷ ۲۰ پلونه مدافعه سی
- ۲ رنجی نابولیونك امثال حربیه سی
- ۶ ضابط کشف قوی
- ۵ تبصره (۱)
- ۵ تبصره (۲)
- ۱۳ پیاده مکتوبلری حاد ۳ مجلد



نشر اولنه جقی آثار مسکریه

پیاده عجمی تعلیمی مکتبلرینه مخصوص رهبر
توجیلق رهبری
پیاده نك محاربیه سی
صحرا طولومجیسی
سوق الجیش مکتوبلری
حربده مادیون قوماندانلرك صلاحیتی



